



08051

楓山章先生集卷之九

明章懋撰

郡後學胡鳳丹月樵校梓

詩

七言絕句 一百七首

春雪三日

茅拔三陽泰運開滿天和氣襲人來如何尚有頑陰  
在可是東君未放回

雨後觀漲

天瓢夜倒雨如麻曉望川原不見涯且莫臨流羨河

卷九

楓山集

退補齋藏板

伯試將秋水問南華

院庭新樣小戰車偶觀有作

二首已上  
內苑作

廟堂決策靜邊塵巧作戎車樣製新莫道只知俎豆  
事胸中兵甲是何人

漢殿匈奴出武剛晉平羗虜用偏廂車攻原是先王  
制定許收功殪犬羊

送同年鍾美宣乃叔還鄉 二首

紫陌春回雪昨消御溝流水碧迢迢行人欲贈新楊  
柳催喚東風長綠條

征車欲發重徘徊落日離亭酒一盃惆悵阿咸歸不  
得夢魂隨上越王臺

不 滹沱晚渡

二首送同年張廷芳使陝西

其同賦下英風零落

風捲流澌作晚波行人猶說漢滹沱那知天上乘槎  
客不用冰堅也渡河  
半川斜日照寒流騎馬來經古渡頭欲問蕭王冰合  
處野烟衰草遍汀洲

雲舍寧親

二首送同年張叔亨歸廣東

五嶺南頭瘴海隅白雲飛處是親闈何人得似張

卷九

楓山集

二

退補齋藏板

子四壯歸來戲綵衣  
榕葉梅花嶺路長皇華持節晝還鄉此行不似并州  
使悵望孤雲隔太行

題介軒詩卷

二首爲同年賀克恭作

其題於門前

半點緇塵不肯容古來卓行許追踪東風門巷多桃  
李雪後徂徠一樹松  
平生高誼薄秋空柔古那能與世同柳下英風寥落  
久誰將一羽視三公

送容一之歸廣東

二首一名賀白沙陳先生高弟

神思不

洙泗門庭海樣寬，望洋休道問津難。直從伊洛源頭去，鼓棹中流任往還。  
點瑟顏瓢萬古心，箇中真境要追尋。紫陽去後行人少，門巷蕭條草色深。

送同年謝元吉致政歸耒陽二首

醒卻邯鄲炊黍夢，便尋湘水釣魚船。時人莫訝休官早，還落文山後一年。  
曾因立仗難緘口，苦爲求芻又乞身。貧病獨憐歸未得，送君重憶故鄉尊。

卷九

楓山集

三

退補齋藏板

題舒溪漁隱詩卷

爲同年李廷章作

名利關頭曾打透，一竿終老白蘋洲。明時愧我渾無用，欲與先生假釣舟。

挽杜黃門喬妻

夢斷瑤池繡閣閑，翠幃香冷燭花殘。空遺舊織迴文錦，留與黃門灑淚看。

挽大理陶司務

二首

紅蓮綠水舊知名，廷尉賓僚最老成。何事玉樓仙去早，棘林風雨易傷情。

一官未徙鬢絲絲誰遣藏舟壑遽移腸斷容臺舊知  
已西風揮淚寫銘詩

壽李知府嗣母 六首

黃鵠孤飛四十年幾番機斷曉窓前鄰姬只羨生兒  
好恩誥時時下九天

誰教婺守得龔黃寶婺當年降北堂天爲蒼生如有  
意壽星夜伴婺星光

一陽微露嶺頭梅此日高堂初度來王事賢勞歸未  
得夢魂飛遠越王臺

卷九

楓山集

四

退補齋藏板

南越東陽萬里身幾年不見倚門人潘郎會有閑居  
賦花下安輿處處春

莫道無人戲綵衣庭前賸有紫荊枝未須便上陳情  
表正是君恩欲報時

太行山頂自看雲何似遺羹錫類人爲報金華賢太  
守里間無限白頭親

挽林亨大瀚父母

四首其父先爲上高知縣歷寧海知州陞撫州太守

謝郡歸來理釣絲不堪中夜壑舟移舊游幾樹甘棠  
在常作遺黎墮淚碑

州縣徒勞兩鬢霜誰將嘉績傳循良文章有子如歐  
九一表瀧岡淚萬行

令德深閨不可窺卻緣麟趾識關雎獨憐天上歸來  
日白髮無因見倚閭

相夫曾賦采蘋詩教子猶懷斷織時回首樟山封馬  
鬣烏啼宰樹不勝悲

送同年沈秋官海使閩還京 二首

秋臺元自肅風霜炎海俄驚五月涼應是一夫寃未  
釋使星中夜入南荒

卷九

楓山集

五

退補齋  
藏板

素馨花發荔枝垂樽酒江亭話別離珍重故人天上  
去爲言閩海正瘡痍

建溪舟中口號五絕送同年鄭侍御旻還京

乘駟來按八諸侯凜凜風霜六月秋吏蠹民寃俱洗  
盡更將謠頌達宸旒

昔人每羨嶽山搖鎮靜今看一着高自有澄清眞事  
業海波不動瘴煙消

武夷無復舊茶株鑛盡銀場課未除四牡諮詢多少  
事皂囊應有萬言書

萬口嗷嗷待哺時賑饑無策愧分司飛章要効牛羊  
牧願放庸材理釣絲  
行部無能展一籌病軀仍抱素飡羞日邊朋舊如相  
問祇欠天曹一筆勾

送洪憲長之官貴州

并序

恭聞憲長先生榮遷牧伯遠蒞貴藩某適爲  
二暨所困弗能餞送伏枕懷私情不能已聊  
賦小詩四絕以道區區詞  
雖不工而事皆紀其實云

澄清未了旬宣去玉節星輶出富沙行李幾扛書籍  
外不將一物度仙霞

卷九

楓山集

六

退補齋  
藏板

三年閩海諮詢日萬里保障時獨有挽留諸父  
老一聲聲是去思碑

忽聞巷語夜如雷道是閩人借寇來欲扣天闈無路  
入明朝相率拜都臺

左轄由來拱太微卻教分省去羅施遠人應識君王  
意不道區區爲蠶絲

別閩南僚友

三年憲府同懷抱此日離亭惜解攜回首建溪溪上  
路春山隨處鷓鴣啼

送賀位賀倅歸永新 四首并序

歲暮山齋老梅始花適賀生兄弟過尋言別因折一枝口占小詩四絕爲贈用致拳拳期待之意云

梅花折得贈君歸此是東風第一枝看取瓊林新雨後萬花場上奪魁時

梅花折得贈君歸商鼎和羹會有時四海蒼生饑渴甚綠陰青子莫教遲

梅花折得贈君歸老幹虬枝分外奇絕似廣平心鐵石生來不受雪霜欺

卷九

楓山集

七

退補齋藏板

梅花折得贈君歸愛此亭亭絕世姿絕白真香誰得似紫陽千載共襟期

送鄭仁張銘歸瑞安 并序

東嘉鄭天爵張永新不遠千里過我問易數月而歸子愧無所增益之也口占小詩四絕以贈其行

風度天香到酒卮君行恰是桂花時相期來歲秋風裡折取蟾宮第一枝

東嘉自昔多龍首禮樂三千對玉墀白日青天能有幾梅溪人物是吾師

鴈蕩名山天下奇，仰高懷古起遐思。止齋諸老談經濟，遂學雄文百世師。  
論心未久卽言歸，敬義工夫要夾持。潛室舊傳真統緒，歸來應自有餘師。

哭鄉同年二項叔姪 五首并序

項崇仁審之子，故人也。其甥鄭天爵來從子游，知其夢奠，因其回而書以哭之。

昔同文戰淞，聞秋二項才名孰與儔。三十年來如一夢，萋萋宿草翳荒丘。

蚤看雙鶚共橫秋，誰道相催記玉樓。今日送君多感

卷九

楓山集

八

退補齋藏板

慨寄將老淚，灑松楸。

豪氣元龍百尺樓，牛刀纔試便長休。悠悠身後無窮恨，伯道淒涼土一抔。

看花期向曲江遊，同輩相推讓一頭。不見臚傳春殿日，驚聞薤露使人愁。

激浪凌雲志未酬，翻灰鱗殞使人愁。羊曇悲切平生事，不過西州亦淚流。

送潘匡善援歸括蒼兼柬舜絃先生 二首

莆陽太守舊相知，節概文章重一時。蘭玉森森知有

自相逢兩月話心期  
故人爲別十年餘不見雙魚尺素書  
邂逅阿咸聊問訊  
王官谷裏樂何如

送唐御史韶巡按江西

二首其先任自并說  
蘭谿知縣

蘭陰山下舊樓鸞  
攬轡今看度此山  
白叟黃童垂淚送  
手栽桃李半凋殘

繡衣持斧大江西  
驄馬行行莫待遲  
幾載血腥章貢水  
要君摩手洗瘡痍

和周郎中木二詩韻

四首木姑蘇人特  
奉使江西封王

卷九

楓山集

九

退補齋  
藏板

周萍實橋詩云楚迷王道可興邦  
徒倚禎符國祚長  
千載江山頻易姓  
祇緣萍實誤昭王  
汝墳江漢古名邦  
曾見周南化日長  
麟趾騶虞渾忘卻  
謾誇萍實瑞昭王

橋名萍實表南邦  
謠語流傳歲月長  
書社不封千載恨  
空將霸業望君王

周路中詩云奉使岷藩入萬山  
虎狼交跡茂林間  
若知行李無私物  
任我星軺自往還

蕩節煌煌照楚山  
天曹何事落人間  
要知沿路官員好  
須到萍鄉縣裡還

不持一物度關山  
贏得清風滿世間  
行向子陵臺下

過客星應識使星還

哭外舅郭公 五首

磊磊襟懷楚楚儀客來能酒更能碁從今寂寞耆英  
會不聽山陽笛也悲

貽謀未必新堂構餘恨猶懷舊墓田流水生涯今已  
矣撫棺一慟訣終天

夢入南柯竟不還華堂無復舊衣冠空存手植庭前  
菊留與諸郎灑淚看

傷心一夜泰山頽薤露聲中不盡哀誼重恩深無可

卷九

楓山集

十

退補齋  
藏板

報塚前銘許婿親裁

少日東床誇坦腹年餘四十竟浮沈自慚不是奇男

子空負平生擇婿心

烟溪義渡 四首

立馬沙頭欲問津憑君一葦策奇勳一時義在烟溪

上千古名芳太史文

塵暗長途水拍堤行逢義士在烟溪慇懃爲濟蘆中

客莫愛官封楚執圭

濟巨平生每自期歛南聊作小施爲莫吟幽草黃鸝

句未是春潮雨急時

楫擊中流應有志舟橫野渡豈無能獨憐亭長烏江

上不及滄沱一寸冰

挽詩四首為林繡衣貴實作貴實名誠時巡兩浙鹽事

其一寶澗西原誠之祖

馬鬣封高寶澗西夏官舊德樹新碑白頭父老咸相

過共說賢孫似習之

其二象峰東麓誠之父

鷹塔歸來臥象峯景鍾青簡兩成空孤兒技淚書遺

卷九

楓山集

十一

退補齋藏板

訓都在瀧岡一表中

其三鳳山北隴誠之母嘗更嫁

鳳去山空幾夕陽九原相見泣孤凰當時不逐韓憑

死要待新雛羽翼長

其四塗嶺南窩誠自為生墓

蹉脫蠅蝸世亦難幾人打透死生關一亭得正高千

古塗嶺今來望北山

挽常山余知縣父母二首

一經勤苦未收功忍見舟移夜壑容三釜竟違人子

願蕭蕭宰樹不禁風  
九膽當年荷母慈  
鳴琴今日見佳兒  
獨憐墓下焚黃  
處不及堂前捧檄時

和吾景端韻二首并序

久踈馳問方以爲愧乃承不鄙曲記賤生既  
之細葛寵以佳章厚意稠疊其何以堪食貧  
既久無可爲謝謹依嚴  
韻聊賡二絕用答來貺

行年已度知非日  
學易應思補過時  
珍重故人相問訊  
韋編三絕是心期

臯比擁處樂何如  
春滿庭前草不除  
他日相從問無

卷九

楓山集

十一

退補齋藏板

極文山風月未應虛

陳處士南園詩卷

四首

平泉金谷競豪華  
幾度花時得在家  
爭似南園陳處士  
曉看泉石暮烟霞

高臥邱園歲月賒  
閑將抱甕作生涯  
悠然得道忘機處  
笑看紛紛兩角蝸

肉食無緣藿自安  
畦蔬聊欲媚春盤  
葵傷應有終年憾  
芹獻難忘一寸丹

我愧貧無三徑資  
好花真境邈難期  
何時得借名園

看三復堯夫洛下詩

金鑑雲津書院詩卷

三首為金華教諭劉故作

昔人黃卷青燈處滄海桑田幾變更獨有龍洲洲上

水東流還作誦絃聲

華構淪亡幾百年雲津風月故依然天留嘉定文章

在應把貽謀啓後賢

前宋衣冠迹已陳芳洲勝槩屬何人賢孫今紹箕裘

業雲路還從此問津

挽金華鄭同知重父

二首

卷九

楓山集

三

退補齋藏板

歲蛇忽作康成夢賦鵬空餘賈誼才從此耒陽溪上

菊風霜時節為誰開

泮水已驚閑絳帳王門無復見長裾金華別駕終天

戚忍向窗前讀故書

挽葉天官侍郎盛

二首王俾女婿之祖

華國文章老更奇康時才業未全施空餘歐范平生

志不見功名上鼎彝

金鑑朝端方委重玉樓天上忽傳宣迂生不識平津

閣因誦遺文亦泫然

挽金氏夫人

二首 葉正室

九苞鳴鳳正朝陽，丹穴生雛恨失凰。  
賴有當時胎教在，雲霄萬里看翱翔。

吹棘恩深渾未報，蓼莪詩廢亦奚爲。  
堂前捧檄人何在，腸斷秋香桂一枝。

挽耿氏夫人

二首 葉繼室 天官裕之女兒

采蘋曾賦在公詩，凡膽猶懷勸學時。  
回首堂封春草綠，野烏啼處不勝悲。

頻向花前奉板輿，俄驚一夢入華胥。  
春暉寸草情何

卷九

楓山集

古

退補齋藏板

限風木蕭蕭，恨有餘

次南部天官林亨大韻

庚申秋林歸闕祭掃便道來訪次其韻

高軒忽枉過山家，不憚雲昏道路賒。  
元宰爲憐衰病叟，昔年同看杏園花。

榮壽堂

劬勞父母年齡暮，孝理君王雨露深。  
臣子兩般俱可愧，爲君題卷獨關心。

夜坐得句寄示弟姪

癸亥冬在南雍作兆嘉山先府君墓也

秋初一別又冬殘，欲寫家書意萬端。  
最是白頭千里

外時時夢到兆嘉山

甲子新正齋宿有懷訶孫詩以勉之

自別吾孫每惘然重陽不覺又新年數書相勉無他語黃卷青燈好着鞭

羣鵲圖

噪樓曾報黎囚喜集棘應占太史祥修竹寒梅無外事若爲羣語對荒涼

挽秦行人祖父母

二首

道賁邱園世莫知玉埋幽隴草離離貝州名行垂千

卷九

楓山集

五

退補齋藏板

古爲有賢孫似習之

錫屑少年因脫珥弄孫暮景見含飴大行追憶平生事不讀陳情亦淚垂

挽秦行人母

二首

葛覃樛木更蘋蘩賸有徽音裕後昆二少賢聲今籍甚誰云芝醴不根源

悼亡有夢成炊臼捧檄無因見倚門墓下焚黃悲慟處五花鸞誥溼啼痕

避喧卷

二首爲監丞載鋪題

結廬高臥萬松閒爲厭輪蹄日往還用盡機關名利  
容綺裘爭似綠蓑閑

采芝無夢到長安世態榮枯了不關况有鳳毛鳴盛  
世底須園綺出商山

南都別林王黃陳馬韓葉張諸尙書侍郎

區區績滿乞歸尙未得請過承盛饌相餞  
何以克堪席間口占小詩一絕聊以爲謝

野性惟應臥草萊建章鷓鴣詎堪陪乞骸未得如疏  
傅慚愧諸公祖帳開

七言律詩 六十五首

卷九 楓山集

六

退補齋  
藏板

登科 內苑作閣老改龍門  
鴈塔作春鱗秋鸚

太平天子御金鑾奎宿光芒午夜寒漢代文章推董  
賈唐家科第屬歐韓龍門浪暖成頭角鴈塔風高快  
羽翰雖是看花年尙少莫將温飽問儒冠

瓊林賜宴

風雲千載趨重華賜宴瓊林寵渥賒丹桂廣寒非月  
窟紫烟蓬島是皇家食分綾餅堆紅玉酒出黃封瀉  
絳霞見說金明池上事有人聞喜不簪花

早朝

未央鍾動曙光生  
隱隱初聞柳外鶯  
風靜御爐香篆  
細日高斧座  
衮衣明螭頭  
陛擁黃麾仗  
豹尾班聯白  
玉珩最喜君王勤  
庶政蒼蠅聲裏問  
雞鳴

禁中聞鶯

禁苑花深晝漏遲  
鶯聲遙在萬年枝  
不隨舞袖歌金  
谷卻伴仙韶奏  
玉墀長信夢回  
敲枕處瓊闌吟  
罷倚闌時  
東風空費如簧舌  
不道明廷有鳳儀

王孟端畫竹

此君一別已經年  
今日披圖不厭看  
風度只疑搖翠

卷九

楓山集

七

退補齋  
藏板

珮月明應想下青鸞  
肯隨羣卉爭春色  
直伴孤松老  
歲寒珍重鳳凰池  
上客盡將清節付  
毫端

圃東新井

鑿井深深傍玉堂  
石根流沁一泓涼  
冰壺夜浸秋蟾  
溼雲液晴涵甘醴香  
苔蘚未生侵玉甃  
桐陰初長拂  
銀床寒泉可汲  
應須汲莫使行人  
爲斷腸

秋日感興

昨夜西風襲緼袍  
壯懷落落興飄飄  
全才人物思韓  
范雜伯功名陋  
管蕭聞闔萬言  
陳國論沙場百  
戰滅

天驕前修未遠斯文在九辯何須賦寂寥

送彭閣老時歸省

出爲蒼生去爲親伊周地望閔曾身暫辭天上青槐  
位歸拜堂前白髮人五色錦衣供戲舞四時玉燭賴  
調均故園桑梓休留戀早促鳴騶上紫宸

送楊總兵

山西名將好男兒報國丹心一劍知  
嚴號令寒膽避旌旗九重雨露朝承  
雲夜

出奇此去西應坐困功成充國早

卷九

楓山集

六

退補齋藏板

移菊

白玉堂前種紫薇菊花開落在東籬爲憐秋後香偏  
好故向春前手自移萼萼旋添承露葉亭亭先長傲  
霜枝樂天只愛黃昏伴一種幽香恐未知

壽同年徐德宏父

家有四玉亭又有靈芝蕉花甘露之異故詩及之

四玉亭前歲月長葛巾藜杖足徜徉夏園老去芝應  
秀儀儼歸來桂正香花折瑞蕉供綺席酒和甘露薦  
瑤觴賓筵共祝南山壽開遍蟠桃鬢未霜

壽瞿中書父

曾因教子荷鸞封歸去錢塘鬢已蓬名利長安無舊  
夢者英洛社有遺風消磨歲月琴樽裡收拾湖山杖  
屨中長對花前傾壽酒蟠桃看到幾番紅

壽雲南萬都司學士萬安之叔

奕世登壇笏滿床獨尋園綺共徜徉耆英社裏清風  
在安樂窩中白日長南詔衣冠無此老渡瀘勳業有  
諸郎玉堂學士宗盟舊壽語飛來雲錦章

送謝守之無爲州

其父先守是州其弟元吉爲翰林庶吉士

東風躍馬錦溪傍重佩而翁太守章騎竹兒迎新皂

卷九

楓山集

九

退補齋藏板

蓋愛棠人說舊黃堂野田雨秀雙歧麥燕寢春凝一  
篆香難弟正袖金匱史要看橋梓共循良

送宋爾章乃弟歸江西

君從璧水泛歸舟兄在蓬萊第幾洲春草池塘靈運  
夢夜床風雨子瞻愁鴈行暫隔千山露鵬翼還看萬  
里秋別後二難相會處看花騎馬曲江頭

送國子監侯先生祭掃

丹陛陳情許晝遊桂花香裡泛歸舟十年宦况橋門  
月千里鄉心浙水秋天上恩頒新雨露塚前光動舊

松楸平生風木無窮恨憑仗龍章賁九幽

送同年翁進士晏歸省

萬里青霄路始通白雲情思忽匆匆一樽別酒歌黃  
鸝十幅歸帆逐去鴻秋雨江村榕葉暗夕陽籬落槿  
花紅慈恩未報天恩重一念難忘是孝忠

挽虞黃門瑤妻

醉入瑤池竟不醒空教炊白夢魂驚琴悲絃斷膠難  
續樹怨花殘子未成鴛帳夜銷銀燭影鳳樓春悄玉  
簫聲鼓盆無限傷情處刺繡窗前月自明

卷九

楓山集

三

退補齋  
藏板

挽陳舉人父

平生愛臥越山雲不踏長安陌上塵燈火課兒書屋  
夜杜藜訪舊野橋春百年風月歸詩律萬頃烟波入  
釣綸今日騎鯨仙去遠步南清景屬何人

挽陳舉人母

瑤池渺渺隔滄波夢逐仙人跨鶴過無復瑞萱顏色  
在空餘慈竹子孫多燈前夜斷縫衣線機上春閑織  
錦梭最是諸郎哀慕切啼烏聲裡淚滂沱

挽國子林助教

一瓊十載鬢成絲心事平生苜蓿詩夜月棘闈歸藻  
鑑春風芹泮屬爐錘鱸堂未兆三台瑞鵬賦俄成百  
世悲欲奠束芻何處是龜紋山下草離離

謁文丞相祠

呂家墳墓邱墟久信國祠堂香火新芳穢定應千載  
事榮枯那有百年身丹青此日瞻遺像汗簡平生仰  
後塵可惜溪山異南北不成孤竹兩商臣

又

內苑作閣老批云激烈  
之言誦之可以興起

大宋興亡跡已陳忠臣祠宇尙如新夕陽古樹烟猶

卷九

楓山集

三

退補齋  
藏板

暝夜雨荒堦草自春慷慨六歌空灑淚閑關百戰竟  
捐身穆陵地下應相見不負臚傳第一人

懷古

篝燈夜坐讀書臺懷古令人不寐來世遠唐虞文未  
喪俗經秦漢事堪哀周公禮樂眞王佐管氏功名只  
霸才千古是非昭簡冊豈容蹤跡共塵埃

謫官出京和莊孔易韻

時舟泊蕭  
家林下

夕陽道路風塵暗明月孤村草樹稠郭隗臺前無逐  
客蕭家林下有行舟音書斷絕家何在蹤跡飄零水

共流此地經過多少事今年不似昔年遊

歸鴈

靈囿池臺是舊遊西風萬里思悠悠陣橫紫塞霜天  
曉影落澄江水國秋棲止更嫌蘆荻淺歸飛不爲稻  
粱謀一封帶得邊城信要把平胡報冕旒

送馬守之廬州

考績還南都省父少宗伯故  
詩送之此後四十首南雍作

康侯共羨廬江守三接親承寵遇來玄黼纔看辭魏  
闕綵衣又喜拜容臺述懷定有詩千首話別寧辭酒  
一盃萬戶無孺思叔度莫教五馬此徘徊

卷九

楓山集

三

退補齋  
藏板

和鄭廷綱侍郎長至有懷

學道年來絕愛憎肯隨時俗競蝸蠅新陽已向今宵  
復老態應從此際增曠喜舒長迎化日仍愁積垢至  
堅冰衰遲只合居林下重沐君恩報豈能

又和

鄭嘗被劾時欲  
乞老故詩及之

特立由來俗所憎詩人奚必嘆青蠅貝蕤雖甚心何  
愧石錯相加德愈增線日已看回短晷條風終擬化  
層冰咸成正欲資元老君奭言歸恐未能

和鄭廷綱除夕感懷

滿城簫鼓樂無央，共說明朝是孟陽。卻笑流年成老大，詎堪隨眾廁班行。厭聞爆竹除殘歲，謾對梅花憶故鄉。何日得償林下願，簿書鞅掌任渠忙。

送同年王宗彝以大宗伯考績

分韻得  
分字

春回大地物欣欣，宗伯朝天志不羣。歲運三週當甲子，風雲千載遇華勲。定應制作新寰宇，會見文章媿典墳。獨有曲江同宴客，惺惺話別袂難分。

送林亨大以太宰考績

分韻得  
東誰字

鸞聲旂淠忽匆匆，元宰書勞覲合宮。曾見昌言天動

卷九

楓山集

三

退補齋  
藏板

色還期大義日當空，賸栽桃李居門下。多貽參苓在篋中，老我依劉心正切。不堪分手各西東。

三十餘年別故知，重來京國話心期。喜看大畜亨衢日，正是清朝景運時。身際風雲歸北闕，志先霖雨活南畿。武丁舊學甘盤在，說命勳庸更屬誰。

又另贈

平生甚愛泉山老，華國文章濟世才。何幸附名龍虎榜，又來話舊鳳凰臺。還期應有丹書奏，當宁欣看赤舄回。好贊聖明登眾彥，放教衰病臥蒿萊。

壽楊少卿父太守唐

惟得祥氛藹戟扉黃堂八十古尤稀蓬壺仙侶雲駢  
集光祿賢郎畫錦歸共慶麟書符繡紱爭看象簡戲  
斑衣趨庭盡付經綸業不用蒲輪下禁闈

送林居魯沂之貴州亞參任

以驗封  
郎中陞

春晚新亭柳正青紛紛冠蓋送君行一盃聊作陽關  
別萬里難忘魏闕情婺郡尙留遺愛在羅施今見福  
星明好將忠信行蠻貊看取甘棠藹頌聲

挽胡光祿諒父

卷九

楓山集

五

退補齋  
藏板

家住城南尺五天隱居行義雪盈顛橫金鳴玉多知  
已芳桂猗蘭總象賢豸服已聞榮晚節龍章仍見賁  
重泉一經收報應如許貽燕何須負郭田

送張黃門宦之四川亞參任

諍臣何事出旬宣宦業乖崖舊有傳簡命纔聞來北  
闕仁聲先已慰西川一盃別酒愁分袂萬里修程看  
着鞭早賦甘棠歸補袞錦城花好莫留連

環山樓詩卷

爲太僕少卿  
陳瑞卿題

百尺危樓倚碧空好山面面列屏風凭欄遠睇心何

曠對景豪吟興不窮樹色參差青藹外鳥聲上下綠  
陰中客來俯視三千牝卻把滁陽作楚宮

送李司空進表

國老函章覲紫宸都門祖帳集朝紳瑣闥獻納聲名  
舊起部賢勞德望新華渚虹流開壽域彤墀虎拜慶  
昌辰曲江金鑑千秋錄宣室從容好奏陳

挽白司寇

少年策足上青霄四紀忠勤翊聖朝瓊闥彌違遺舊  
稿秋臺明罰布新條重湖功就舟行穩萬柳陰成水

卷九

楓山集

三

退補齋  
藏板

患消誰料故園歸樂後壑舟回首夜寥寥

和鄭尚書廷綱留別韻

一棹翩然發大江歸尋綠野舊書窻萬鍾已覺心無  
累九鼎從知筆可扛名世文章能有幾急流人物更  
無雙高懷不似垂崖老閑殺尙書意未降

送鄭尚書

分韻得綠  
青二字

東園先生美如玉校書早歲登天祿計省賢勞白髮  
生邯鄲夢覺黃梁熟白巖高風喜有傳夾漈遺編期  
再續王官谷裏樂三休玉女峯前歌九曲祇恐君王

憶履聲未容久戀山水綠

一鴻天外去冥冥峻節孤風聳在廷投笏遠辭丹鳳  
闕棹舟閑過白鷗汀午橋事往名猶在畫錦詩傳德  
愈馨愧我欲歸歸未得金華山色夢中青

送太常李少卿旻考績

分韻得堂  
闕二字

臚唱曾聞姓字香奉常今見德彌光晝歸故里春猶  
小績奏明廷日正長曾次酌量周禮樂筆端揮灑漢  
文章龍顏喜見龍頭客視草仍留白玉堂

龍江江頭送君別衰柳枯枝不堪折述懷未賦上林

卷九

楓山佳木

美

退補齋  
藏板

烏探梅且醉西湖月八磚家世本倫魁三俊才華尤  
卓越清風兩袖去朝天六箴期補龍袞闕

送韓司馬文赴北爲大司徒

乙丑新正

杏園花下昔同遊南國相逢已白頭樞務賢勞輿望  
協板曹新任主恩優一分須用寬民力九式還應爲  
國謀此別何時重執手不堪凝睇李膺舟

送金侍郎澤考績

東風一棹發新河祖道那堪賦綠波白髮交游嗟我  
老青雲勲業羨君多辭榮未許歸盤谷奏績仍催上

玉波聖主若詢邊塞事好將千羽化兵戈

送馬侍郎廷用考績

詞苑容臺久擅名東風奏績上宸京浪花袞袞催行  
色烟柳絲絲繫別情粉署郎君思侍教木天仙侶喜  
尋盟好將賀次經綸策宣室從容啓聖明

送魏都憲赴北爲少司寇

高平相業逸難儔千載雲祲紹厥休纔見觀風行列  
郡又催持橐侍宸旒離情祖道一盃酒行色關河萬  
里秋聖主龍飛新大化好殫忠赤贊皇猷

卷九

楓山集

五

退補齋  
藏板

送吳學士儼考績

玉堂學士舊宮臣器業文章更絕倫袞補合陪黃閣  
老錦歸先慰白頭親禁庭春柳關心久客路江楓得  
句新宣室從容應訪問幽風無逸好敷陳

壽同年徐僉憲

烏府歸來與世違忽驚佳氣藹庭闈一階寵命從天  
降七袞遐齡自古稀座上客誇金作帶膝前兒戲綵  
爲衣羨君早適鱸魚興愧我無端下釣磯

送大司憲張公敷華還朝考績

三十年前賢部使又來都下得相親  
憩棠南國民謠在橫挺中臺更喏  
頻龍袞體元新大化豸冠述職際  
昌辰這回司馬休歸洛四海蒼生  
望秉鈞

送太宰楊碧川致仕

位正元僚統百官又承優詔故鄉還  
文章舊價留東閣猿鶴新盟在北山  
疏傅黃金因客散裴公綠野與雲閑  
衰遲苦被樊籠繫悵望冥鴻獨厚顏

桂巖書院詩卷

爲戴給事  
中銑題

廣寒分種寄靈巖結屋巖前誦孔顏  
庭戶秋來香細

卷九

楓山集

三

退補齋  
藏板

細軒窻月上影班班絃歌聲徹幽林外  
燈火光生密樹間會見雲仍多剡竇何  
須蟾窟遠躋攀

送程參議考滿

丙寅正月

伊昔仇鸞棲枳日鳳毛年少最風流  
別來四紀猶青眼到得重逢愧白頭  
粉署久勞明殿最銀臺今復著材猷  
東風奏績朝天去三接行膺寵數優

送太常李少卿赴史館

聖德神功夔絕倫纂修開局命儒臣  
龍頭望重三朝舊麟筆書成一代新  
待漏鳴珂金殿曉垂簾揮翰玉

堂春好將斧袞酬天地揚厲先休啓後人

送同年魏廷尉赴北爲少司空

餞別龍江三月春紛紛冠蓋集朝紳看花昔幸同黃  
甲持橐今看侍紫宸漢史不寃聲望久虞廷弼教寵  
光新臯謨好爲明時獻莫向西風憶鱸蓴

送王司馬致仕還鄉

材猷勳烈重當朝抗疏辭榮去莫招曉日都門開祖  
帳輕風江渚泛歸橈魏公晚節吟秋圃裴老閑情寄  
午橋可是太平無一事角巾私第得逍遙

卷九

楓山集

五

退補齋  
藏板

送亞都憲陳公壽還西江祭掃

千古江洲說義門邇來忠孝見雲孫折衝勳業留  
獻納聲華重掖垣幾處松楸頻入夢九重雨露喜  
承恩蘋蘩祭罷催歸覲莫戀江南水竹村

送大理汪少卿宗器還朝

丹詔催歸九棘班桂花香裏泛樓船罰輕犯蹕追先  
哲望重理輪記昔年爭看上書規走馬未須把酒詫  
登仙日邊故舊如相問衰病惟應臥輞川

杏林春意卷

爲伊庭  
玉題

矢人不若函人良多君擇術工岐黃丹爐夜靜火初  
伏藥圃春深苗正長醫國尙閑三昧手活人聊試千  
金方底用門前萬株杏新詩頌德逾芬芳

送姪拯之梧州通判任

阿咸謫倅蒼梧郡骨肉相看悵別離皓首稀年吾老  
矣修途六月子何之須防馬援遭薏苡且學東坡啖  
荔枝到手功名當努力瀧岡猶待樹封碑

秋初此篇乃謫官出京作失前二句錄之以俟檢足

涼生玉宇風初

卷九

極山集

三

退補齋藏板

轉香滴金莖露欲流入夜砧聲敲萬戶隔江鴈影下  
孤洲田家又是烹葵日欲繪幽風獻冕旒

七言長篇

十七首

送春

以後九篇皆內苑作

黃鸝啼老綠楊樹萋萋草滿王孫路落紅無數點蒼  
苔九十春光條將暮東君何事駕言回典衣且喚花  
前盃慙慙相送共一醉後會猶是明年來別離不用  
傷懷抱四時代序天之道君不見功名遂便拂衣  
漢家疏傅辭榮早

賜粽

細葛香羅試新暑太平時節逢重午五兵辟盡百邪  
消不用釵符懸艾虎九重天上宴芳辰菖蒲香泛宮  
壺春青青菰葉包金黍玉盤滿貯頒羣臣小臣何幸  
遭明主承恩共醉薰風裡願題宮帖獻新詩納忠竊  
效歐陽子

賜扇

閣老改循  
良作袁宏

祝融南來司火令大地鬱蒸如坐甑蓬萊宮中夏日  
長南薰有歌思解愠尙方新造宮扇成削玉裁雲彤

卷九

楓山集

三

退補齋  
藏板

製精內侍傳宣賜卿士一揮頓覺炎塵清魯公詩句  
平生志願與君王驅酷吏安得牧守皆循良遠播仁  
風慰黎庶

送李廷章侍親南還

春官先生温如玉幾年出入黃金屋丹心憂國鬢成  
絲紅塵夢覺黃梁熟封章拜上九重天願放子房歸  
辟穀吾皇優老賜南還寘寘萬里鴻飛速路人嘖嘖  
稱賢哉都門祖餞分華轂林下如今見一人名與五  
老爭高躡江南黃花開正香何須更羨歸盤谷先生

風致出兩疏令郎才名過二陸今春獻策來丹墀縱  
橫禮樂三千牘青年聲價重儒林發硯寶劒光奪目  
承恩奉親歸故鄉西風一舸書萬軸行行別我昭王  
臺添我離愁百餘斛一樽酒盡日未斜浩歌數闋仍  
擊筑西江自昔多豪英勲名赫赫昭汗竹尊翁弓冶  
要君傳更與前修紹芳躅匆匆聚散不須論家山未  
許淹驥足去時江頭秋草黃來時須及春草綠玉堂  
接踵錦繡文膝前便是斑衣服

送撫寧侯朱永北征

卷九

楓山集

三

退補齋  
藏板

騎驚雲中羽書夜入甘泉宮君王撫髀思頗  
牧將軍勇畧千人雄去年征南聞凱奏侯印腰間大  
如斗今年北伐初受脰劔鋒擬斫樓蘭首鐵馬橫行  
塞春山瀚海無煙塵歸來看取麒麟閣漢家衛  
霍何其人

聞彭閣老將至

纔看畫錦謁庭幃詔書又促歸鳳池蒼生霖雨望已  
久我公袞烏來何遲萬里趨朝詎云遠天風吹舟行  
若飛朝聞西江初戒途夜瞻左轄先騰輝九重訪落

心如渴席前早赴宣室期願公大展經綸手濟川補  
袞維其時

觀鬪雀

綠槐庭院日初曉羣雀啾啾鬪林杪奮身不入鴻鵠  
羣爭飛聚噪心何小巢林聊用一枝安階除粒食充  
朝餐爾形甚眇欲易盈羣居何事興爭端世人有欲  
恒不足爭名奪利相追逐吁嗟微物何足論可憐無  
角能穿屋

挽張壽夫

卷九

楓山集

三

退補齋  
藏板

張家有子才且賢秦中諸少誰與肩十年燈火富文  
學飄飄逸氣凌雲煙秋闈一舉卽高捷扶搖萬里孤  
鵬騫九重天上叫閭闔琅玕呈出何軒然重瞳妙選  
濟時具玉堂作養恩如天大官飲饌出瓊味秘閣文  
字番瑤編自言際遇非偶爾摠忠報國心拳拳得疾  
還因倚年少邯鄲一夢驚長眠吁嗟生死固常事如  
君之死真可憐素志英英未云遂衣冠零落歸黃泉  
哲人多天匪人壽白璧破碎瓦更全仰天欲訴不可  
得夕陽古樹哀鳴蟬

送總兵

內苑考作

天王出震四海清熙熙田里皆安生越裳肅慎俱供職

貢既醉歌太平太不若敢與邦相

抗衡封豕長蛇肆憑陵烽煙忽起沙塵驚君王赫怒

奮戈起召集貔貅百萬兵元老壯猶有方叔命汝秉

鉞行西征城朝策嫖姚騎留屯夜警亞夫營秋風

淒淒塞草萎陣雲黯黯關月明橫飛一劍王

關萬里揚威聲一戰滅直取呼韓三百城

攬槍掃盡無妖氛勒功燕然回帝京

卷九

楓山集

五

退補齋藏板

送人還鄉分韻得對字

東風送客都門外祖道紛紛集冠蓋仗劍樽酒惜解  
攜長歌激烈心感慨江南二月春融融畫橋煙柳顰  
新黛萬里風波一棹歸停橈時聽鶯聲碎故園回首  
別經年匡廬山色青青在多君自是尙書孫舊業箕  
裘莫輕廢人生功名須壯時駒隙光陰不相待早修  
六翮奮秋空肯隨斥鷃蓬蒿內交親不用嗟別離看  
花有約重相會縱橫禮樂策三千明年獨向丹墀對

壽姜廷器母姜時知寧海州有瑞麥之異

寧海使君才且賢香凝燕寢蒲爲鞭一錢不受民晏  
然芄芄瑞麥盈春田使君涖官今幾年使君有母白  
雲邊行年八十雪滿巔方瞳兒齒人中仙揆予初度  
元宵前花燈璧月光綺筵瑤池蓬萊非妄傳蟠桃獻  
壽來雲軒使君夜望江南天壽星高臨婺女躔王事  
靡盬心懸懸綵衣何時舞蹁躑臨風遠寄詩百篇願  
祝慈母壽八千麻姑王母相後先桑田滄海從變遷  
北堂萱草春芊芊他日歸來奉慈顏板輿花下長留  
連

卷九

楓山集

三

退補齋  
藏板

挽鄭縣丞

同年昱之父

一官未徙鬢先改丞負子兮三十載藍田不作哦松  
人九隴還饒遺愛在西風萼老鄉夢回桂巖舊業荒  
蒼苔飄然掛冠賦歸去巖前桂子秋正開惆悵人生  
能幾許藏舟夜半不知處鳩去梁空芝草萎烏府歸  
來淚如雨

壽唐憲長彬父

越山高高越水清越人自昔多耆英睢陽圖畫世爭  
羨石帆詩句人尤驚先生家住祈公里深得放翁山

水趣風流壽考將無同更與山陰添故事祈公放翁  
去已久先生壽考真稀有靈椿未老桂先芳平生種  
德燕山竇不向磻溪垂釣綸不須漢室迎蒲輪蓋世  
功名付兒輩蘭亭禹穴將終身楚楚二郎公輔器明  
時早攬澄清纒君王孝理雨露深丹鳳啣書天上至  
先生掉頭一笑看鶴髮高峩金豸冠寄言名利長安  
客一經莫道收功難最是南閩廉訪使膝前時曠斑  
衣舞王事靡盬心懸懸幾回目斷雲飛處垂弧况是  
重陽先滿堂佳氣和祥烟丹橙紫蟹供綺席芝蘭玉  
樹森庭前賓筵阻慶南山壽臨風聊寄詩千首八十  
從今更八千年爛醉黃花酒

壽周石室

戊午其子本參浙  
藩政通義干司

碩人考槃心鬱鬱平生種德不憚勞蘭桂森森競芬  
馥虞山要似燕山高采芝不入迤邐谷垂綸不向磻  
溪曲消磨歲月酒千鍾傲晚乾坤棋一局夙興命僕  
供犁鋤夜闌還課諸孫書致君事業付兒輩漢家安  
用蒲輪車楚楚大參公輔器明時蚤展經綸志君王  
孝理雨露深象簡烏紗天上至倘來富貴非所期一

卷九

樞山集

三

退補齋  
藏板

經收報人莫知笑渠名利長安客機關用盡將奚爲  
邇來迎養薇垣裏何年五福疇堪比從容戲綵飛霞  
觴賡歌稱壽駢珠履初度正當春半時祥風麗日呈  
光輝燕燕鶯鶯奏和巧爲公送喜本庭開賓筵闕處  
花如繡爭把桃花祝公壽蟠桃一花三千年長向花  
前醉春酒叅政明當登細瓊鹽梅九鼎航巨川黃麻  
紫誥重重愛更看華髮簪貂蟬

壽金華韓知府燾

昌黎譽望如斗山魏公德業光後先潮州定州遺愛

卷九

楓山集

三

退補齋  
藏板

在綿綿廟食千百年使君表表出其後二公心印能  
親傳一麾來作東陽守香凝燕寢蒲爲鞭泮水已興  
芹藻頌南國重賦甘棠篇專城詎足究施設會看盛  
烈追前賢薇省蘭臺須遍歷紫巖繡水聊盤旋黃堂  
共慶生申節絃管樽罍巧夕前五露金風薦新爽鵲  
橋鶴駕來羣仙天際輝輝耀南極庭除藹藹浮瑞烟  
金華山高石巖巖翠律終古無崩騫閭闔萬口祝公  
壽願與山石同高堅生愁金鼎要調燮丹鳳啣書下  
日邊催侍玉皇香案側赤松未許長留連老子山中

友麋鹿忽聞盛事心躍然載賡吉甫崧高雅三薰拜  
獻賓初筵

挽張都憲敷華母姚節婦

良人蚤戕金豸冠致身事主遭時艱  
起從征一去不復還偉矣閨中未亡人固窮志節金  
石堅孤燈寒幌矢靡他柏舟再續三百篇劬劬夙夜  
撫遺孤箕裘舊業期有傳中丞位望光前烈幾經斷  
織丸熊連鏡鸞孤飛四十年官原宿草迷寒烟歸去  
九泉重執手此生端不負所天嗚呼夫死國兮婦死  
夫忠貞兩全誰與俱銘章昭垂千百載燕許大筆春  
秋書

卷九

楓山集

三

退補齋藏板

芙蓉書屋

大司憲金公以使事道經做邑特枉見過出  
示芙蓉書屋詩卷命之續貂予以耄荒多病  
且素不能詩而辭不獲  
命勉成數語以塞責焉

美人築室臨溪澗觀物玩書心獨古百凡卉木詎足  
奇對此芙蓉自相許甘處  
寂寞鄉不向洛園爭  
貴富酣春容色眾雖同拒霜氣節誰堪伍安得紅芳  
皆此花倚雲和露直奴虜美人執法居太微引領花

皆此花倚雲和露直奴虜美人執法居太微引領花

神登要路白筆掃盡炎熱徒澄清素志應無負回視  
昔年讀書處溪上芙蓉卽豐芑貽謀萬卷書傳香更  
有鳳毛爲世瑞

五言絕句 一首

題白頭翁

底事頭成白何爲志集枯覽輝甘寂寞不羨上林烏

五言律詩 五首

遊牛首山和沈仲律韻 三首 戊子 在南部作

棄興來山寺清樽共解顏院深春晝永香裊午風閑

卷九 楓山集

短屐行應遍危欄俗亦攀白雲飛不定何處是鄉關

登臨長敗興塵世幾開顏償卻三年債都來半日閑

山泉寒可汲石磴絕難攀半榻能分我看書書掩關

邱壑眞吾分簪纓是強顏無才堪世用多病愛身閑

猿鶴驚相迓松蘿鬱可攀哦詩歸路晚乘月度重關

送張都憲瑄用陳公甫韻 二首 在福建作

萬里無諸國旬宣僅一年稻收千澗雨榕翳幾村烟

保障多新政規模總昔賢設施嗟未究赤烏又言旋

二南風不作道喪幾千年行葦荒秋雨甘棠老暮烟

繼周遭聖哲分陝况才賢好試經綸手乾坤一轉旋

五言長篇 六首

釋菜 以後四篇皆內苑作

皇明右文治閭巷與膠庠橋門集多士冠佩紛踰踰  
少窺夫子宮巍巍數仞墻仰鑽靡所得矻矻窮十霜  
剽竊糟粕餘乘時幸飛翔釋褐謁堦墀對越儼洋洋  
采蘋薦溪毛執爵灌椒觴百拜舉彝典報本那可忘  
平生迂腐心峩冠講虞唐曰茲筮仕初矢心思激昂  
金石勵名節忠孝恆自將期不負明訓允以酬君王

卷九 佩山集 早 退補齋藏板

止賜酒

君王念儒臣眷養良獨厚解帶食天厨日賜黃封酒  
飲食貴有節適時乃无咎昨詔酒云止曰茲炎暑候  
豈惜麴蘖費狂藥恐作疾周書戒崇飲聖諾垂不朽  
嗟彼八達徒沉酗良足醜寧為攝生謀不問中聖否  
皇恩浩如天欲報慚何有

本院南新闢三圃

聖門學為圃人皆陋樊遲借問玉堂客築圃將奚為  
儒冠安淡薄志不圖甘肥苦硬根可咬酸齏味可知

在貴不忘儉藿食固所宜大哉君子心所存應在茲  
苟能充此志堪作和羹資試我鹽梅功濟彼閭閻饑  
孰云謀生計日夕勤數菑不有公儀休拔棄園中葵  
送翟瑄知奉化縣

製錦須良工牛羊求善牧越人久凋弊賣絲糶新穀  
保障良獨難烹鮮莫撈摠當宁仁元元出宰用言必  
借君庖丁刃試手雞與鷺琴橫單父堂絃歌武城俗  
寥寥千載餘君行踵遺躅明年看政成聲價連城玉

送白沙先生陳公甫

南都作

卷九

樞山集

三

退補齋  
藏板

洙泗迥且深伊洛浩不息建溪一以逝未流日湮塞  
浙水泛功利西江浸虛寂寥寥宇宙間何人踐斯域  
陵夷二百年儒術轉乖僻爭先取青紫明經竟何益  
有美羅浮仙遺編自探索章甫非我心鏗然只鳴瑟  
尙友千載人充然如有得禮樂古三王刪修今六籍  
墜緒何茫茫仰鑽容致力回瀾障百川屹立中流石  
任重道路長行行慎無斃斯文諒有在前修未應沒  
何當謝塵紛雲山隨杖舄共對梅花春細叩先天易

壽味菜吳先生

學士儼  
之父

古稱陽羨里一壑風烟浮山川萃佳氣孕毓多名流  
遠者位公卿勲業垂不朽隱居務行義善慶貽厥後  
先生出其間况乃神明胃潤身兼潤屋有德尤有壽  
膏粱非不美所味惟元修趙孟非所志園綺爲吾儔  
養高在空谷教子登瀛洲褒封煥龍章如川至天休  
一福世所罕乃獨五福哀喬松培靈液玉瓚注黃流  
惟茲弧矢辰適屆天中候日遲東井躔風引南薰奏  
翠叢芳蘭艾錦英燦葵榴乳燕賀未歇青鳥聲相酬  
華堂開壽域綺席羅玕羞嘉賓來遠邇雜珮鏘琳球

卷九

極山集末

三

退補齋藏板

高臺然絳燭古鼎裊青虬翩翩戲萊綵賡歌薦金甌  
清歡當此日先生百不憂瀛洲感仙侶詩章集曹劉  
慇懃祝遐算海屋頰添籌借問壽何如蟠桃三千秋

詞 六首

感皇恩

天順戊寅賀郭老員外受封

富貴樂餘春春長不老聖主褒崇頒渙號五雲縹緲  
飛下一封鸞誥把平生教子心都酬了 翠管喧庭  
紅旗夾道賀客歡聲徹雲杪恁般勝事占斷人間榮  
耀畫堂無限風光好

步蟾宮

庚辰賀姜廷器登第還鄉

天邊榜動黃金色都人爭羨龍門客瓊林宴罷看春

花馬啼踏遍長安陌 君王詔許歸鄉國錦衣白晝

歡何極如今端的是男兒這榮耀人間第一

千秋歲

壽人六十一代門生張昊作

收燈過了恰是懸弧曉壽筵做霞觴倒蔬陳堯澗韭

果薦安期棗雙溪上誰知也有蓬萊島膝下斑衣

遠堂前珠履笑人不老春長好已注神仙錄何須中

令考真榮耀椿庭况有君王詔

卷九

樞山集

三

退補齋藏板

歸朝歡

為縣官作送知縣唐韶赴召

雞割牛刀應莞笑桃李滿城何足道萍鄉更鼓正分

明垂崖忽薦官員好紫泥封又到飛鳧遠赴君王召

羨青年功名富貴天已安排了 別離底用傷懷抱

為報攀轅諸父老九重前席問蒼生還將霖雨甦枯

稿候朝天未曉諫章時向燈前草看明朝袖中霹靂

多少人驚倒

又

為縣官作送知縣許朝考滿赴京

玉殿傳臚登上第錦製蘭江聊小試河陽謾說滿城

花中牟休詭桑間雉獨甘冰蘖味勤民不顧身勞瘁  
這三年恩波萬頃深似雙溪水 山城歲晚梅初蕊  
冉冉飛鳧天上去黃童白叟競攀轅等閑莫把歸期  
負依依難捨處只愁去攬澄清轡且從容一樽別酒  
三疊陽關句

御街行

爲儒學師生送張昊歲貢赴京

胸蟠萬卷虹光吐期唾手功名取幾番操瑟向齊門  
無奈鍾期難遇孟郊科第買臣富貴時節相將矣

觀光上國從今始穩步上青霄路壯懷落落賦驪駒

卷九

楓山集

器

退補齋藏板

不道緣波南浦鵬程萬里龍門三浪總是平生志

賦一首

中秋賞月賦

丙戌內閣考試

素吳司時蓐收行政日道西陸斗回西柄大火下於  
坤維虛宿中乎離正掃赤焯之煩酷布金行之清靜  
豆雨飽兮初歇梧風颯兮漸勁涼露零而金莖香灑  
氣浮而玉宇淨燕翩翩以東歸兮鴈嘹嘹而南競蟬  
咽聲以不鳴兮鷹奮迅而欲橫南呂之律始中西兌  
之治方盛繫三五之良宵適平分之秋令暮烟霽而

雲容四歛潦水澄而天光遙映斯時也陰精陽彩坎  
象懸空西魄已載東魄未終望舒御兮駕冰輪於海  
東素娥舞兮調霓裳於曲中穆穆兮金波有影團團  
兮玉斧無功寒玉臂兮清輝皓皓溼雲鬢兮香霧濛  
濛既委照兮珠簾華屋亦容光兮襄牖桑蓬普眞明  
而無私兮羌萬里之攸同人世總清虛之府皇都一  
蕊珠之宮予於是盍朋簪開賓筵酌清醕調朱絃暢  
幽懷於寥廓邀勝賞於嬋娟歌坡翁之水調兮唱晁  
叟之洞仙修歐陽之翫事兮賦希逸之佳篇喜美難

卷九

楓山佳集

巽

退補齋  
藏板

之兼具樂風景之無邊已而銀河斜漢玉繩低纏爽  
籟發於林外天香散於庭前惜光陰兮易度愛良夜  
兮無眠羣囂既息眾音並傳幾處樓臺絲管沸兮樂  
歌舞於芳年誰家門巷砧杵急兮碎窮愁之萬千慨  
人間之憂樂感天上之缺圓徘徊俯仰不覺爲之太  
息而凄然客有語予者曰賞心易負美景難留可人  
明月屬此清秋今夕之會也追玉堂之勝賞無天柱  
之遠遊據床笑傲兮若登武昌之樓咏詩諷誦兮如  
泛牛渚之舟騁清談之疊疊浩清興之悠悠人生有

幾不樂何求子獨感慨而惆悵兮殆有類乎宋玉之窮戚而悲憂予乃喟然歎曰子豈知予者哉予竊怪夫少年之偷閑兮寧能爲時物而解顏吁嗟乎哲人之用心兮固將視一世以爲悲歡月明而無貴貧兮人情見月抑忻戚之多端有天涯兮遊子家山萬里兮踈問安今茲之夕兮望白雲而倚欄有遠地兮孤臣懷耿耿兮寸丹今茲之夕兮念瓊樓之高寒彼閭閻之饑饉兮十室九空擷草穗以爲糧對明月兮賦鴻鴈而自傷彼邊城之將卒兮胡笳羌笛老征戍於

卷九

楓山集

哭

退補齋藏板

沙場對明月兮指玉關爲故鄉月照兮深閨有佳人兮愁斷腸邊衣兮未寄盼良人兮天一方月照兮圍扉有縲囚兮悲夜長雉罹羅兮未脫刻木畫地兮那可忘富貴歡會兮貧苦憂思今夕之樂者幾何人兮而悲窮悼屈者紛其若茲伊苦樂之相忘兮抑亦居之所移蹇予懷之鬱鬱兮良獨有感於斯志先憂而後樂兮謂希文其吾師彼風流之庾謝兮徒曠達其奚爲今九重之仁聖兮憂元元之瘡痍恒宵旰以孜孜兮曾不暇乎樂漢武影娥之池顧書生之竊祿兮

一升合皆民脂愧無才以上佐天子而下弔蒼生兮  
其何心乎樂明月而娛嬉子以予爲悲秋之騷客兮  
其不淺之爲小丈夫也耶嗚呼噫嘻客聞予言亦悚  
然若驚焦然而弗寧遂相與舉盃酌月稽首乞靈願  
國家隆唐虞之治使斯人爲堯舜之氓老安少懷兮  
各得其所遠來近悅兮咸遂其生固圉空兮永期有  
司之不犯兵甲洗兮寧復有苗之祖征家家見月兮  
有所然之色人人對景兮無嘆息之聲豈若唐人聯  
句而專長日之樂殆猶虞氏鼓琴而公解慍之情則  
吾與子非特誇今夕一時之樂事且將祝皇明萬世  
之太平

贊八首

韓魏公贊

內苑作

昔宋昭陵有臣魏國可屬大事重厚如勃允武允文  
有才有德入司諫垣闕補袞職出司邊寄膽寒西賊  
執政三朝惟公是式定策受遺手扶紅日天下晏然  
泰山磐石身係安危國同休戚豐功盛烈鼎彝是勒  
於千萬年有赫奕奕

卷九

楓山集

罍

退補齋  
藏板

蕭御史器用父像贊

其父曾任學官王府官

肅容端如盛服瞻如身之耀而道則內腴文之郁而朴以自居馬帳橫經士皆我模楚筵設醴禮不我渝人皆知爲當代之文儒竊金匪貴鯉庭是趨有冠峩豸有臺棲烏人又知丹穴之有鳳雛噫是皆得其麤而徒語其膚彼其梁棟榱角在宋則安定之胡明道正誼在漢則江都之舒究先生之所存殆將與若人而齊驅者歟

白司寇像贊

甲子秋其子鉞主試南都求贊

卷九

樞山集

吳

退補齋藏板

質偉而豐神完以充淵淵乎其德之懿翼翼乎其貌之恭英英乎其才之敏恢恢乎其量之洪方嶽旬宣而優優其政臺端執法而肅肅其風入參廟謨則不動聲色而運籌折衝出幹不庭則不勞血刃而執訊陳克光垂竹帛勳勒鼎鍾嗟儀刑之已遠儼生氣之如虹目茲待漏之像猶可想見夙夜匪懈之忠而其所蘊以出將而入相者豈丹青所得而形容

吳仲仁像贊

乙丑十月

吁嗟若人鄉之彥兮潤屋潤身眾所羨兮賓賢禮士

老不倦兮貽燕後昆惟一善兮眉壽考終天之眷兮  
吁嗟若人鄉之彥兮

許冢宰像贊

孕崧高之秀鍾河洛之英氣剛以直質粹而清始薦  
名於鄉榜仍賜第於大廷內司言責則正色直詞著  
張桓之威望外贊兵機則運籌制勝樹韓范之勳名  
任司馬而禪廟謨於帷幄位冢卿而付公論於銓衡  
以道事君魯惠三黜而不以爲辱竭忠謀國楚文三  
仕而不以爲榮躬操蹇蹇之節心懷翼翼之誠張曲  
江之風度雖可模於方冊裴晉國之靈臺則莫狀於  
丹青

永暉兄像贊

鶴髮童顏烏紗綵服其貌恂恂其儀肅肅無諂無驕  
內知止足不怨不尤外無憂辱非義不爲惟善是篤  
抗志林泉怡情松竹垂及百齡備全五福貴非有位  
富不以祿有隕自天忽承寵渥此昔人之所稀而吾  
兄之所獨

顧雲和像贊

卷九

楓山集

巽

退補齋  
藏板

蚤以才猷奮身從事初筮枳棲遂躋錦製斬披草棘  
創新官署轉危而安易亂而治遺愛在民烝嘗弗替  
太史哀哀垂休百世

伊振舉像贊

其容偉如其服禱如其業非儒其行則儒文之不足  
而質有餘利之不競而誼是趨吁嗟若人其韓康宋  
清之徒歟

吳晦仲畫像贊

有婉其容有肅其儀醉經飽史尤邃於詩志充所養

卷九

樞山集

五

退補齋  
藏板

將大厥施采芹泮水擢桂鄉闈和鑿始鳴忽繫金柅  
玉成器而遽毀苗就實而忽萎起良朋之永嘆貽後  
嗣之遐悲

外舅郭公像贊

儀容偉然胸次夷然考槃擊壤無懷葛天有淑其姿  
克儷厥美無非無儀葛覃中饋儆儆相成德音莫違  
用昌厥後麟趾螽斯拜瞻遺像儼乎如在追頌平生  
涓埃山海

章文懿公年譜敘

門人方太古撰

大哉先師之成德也可謂難矣夫自幼而壯壯而老終始一致無少瑕疵可謂難者矣或曰公著述少而名彰嘗聞之曰著述外物也吾之學周程張朱而已矣既明且備心得之奚事乎疵或曰公仕日少而秩崇聞之曰仕吾志也唯其時耳出處顯晦不在我也吾從天嗚呼壽考令終名完節全海內諸公如先師者可數嗚呼哲人萎矣前輩典刑不可得而見矣

卷上

章文懿年譜敘

一

退補齋藏板

龍亡虎逝山川寂寥載撫年譜愴焉我心謹序皆

嘉靖癸巳春王正月十有三日

歲壬午八月十六日歸自歛祭

翁墓天澤攜年譜稿至墓下請正兼致以道之意徵敘于予閱畢諾之今年矣客歲以道南歸冬十月燕予楓木禪院而天澤在座復申前請曰向者年譜授梓毗陵尙未迄工願終前諾以道又從而趣之予茫然不能對蓋懶惰弗自鞭策故也今幸具稿以俟俟以道質之十四日太古記

楓山章文懿公年譜卷上

明阮鶚撰

郡後學胡鳳丹月樵校梓

正統元年丙辰冬十有二月乙丑先生生

按章子沛日紀曰先生諱懋字德懋號閻然翁而  
澗濱遺老其晚年別號也門人又以其講道楓木  
山稱楓山先生先世居福建之浦城相傳出宋丞  
相郇文簡公之後南渡時始家于蘭谿之純孝鄉  
曾祖叔良祖邦和父申甫號松坡居士母吳氏鄉  
之南樓名族女林公俊狀曰公父質厚有鑒識吳  
母無擅遂無獨成乙丑夕松坡夢神以星貺公喜  
躍獻諸祖覺而先生生焉

四年己未秋八月先生弟恣生  
七年壬戌先生始入小學

按唐公龍狀曰先生生而疑疑然聰明穎悟書初  
讀卽舉其要而再而三終身弗忘

八年癸亥八月先生弟愍生

九年甲子先生通四書大義

十年乙丑先生年十歲能文

卷上

章文懿年譜

二

退補齋  
藏板

十三年戊辰先生究心五經

十四年己巳先生通歷代史

景泰元年庚午春正月補邑庠弟子員

按日紀曰時汀州守黃公瑄御史郭公仲初俱有時名先生與之友問難較藝間有弗逮黃期之曰文學已追唐李賀功名擬效宋王曾

秋八月祖邦和公卒

按日紀曰先生佐松坡治喪一以文公家禮或有勸作佛事者先生諫止之

卷上

章文懿年譜

三

退補齋藏板

二年辛未春受易于凌公宗政

三年壬申春省試第一

按日紀曰劉公克彥試先生批其卷云博洽經史通貫古今他日成一代大儒以嗣續千古絕學者必吾子也

冬十二月先生娶郭公彌之女

五年甲戌冬十月女順生

六年乙亥先生二十歲

天順元年丁丑春正月子振生

三年己卯秋九月子擴生

六年壬午秋八月舉于鄉

按日紀曰是年春僉事劉公以先生學行試第一  
御史孫公覆試之嘆曰真儒也八月魁多士梓其  
文以式後學者

七年癸未春正月次子捷生

二月會試文場火秋八月再試不第

九月入太學

成化元年乙酉先生年三十歲

卷上

章文謚年譜

四

退補齋藏板

二年丙戌春二月會試第一

按日紀曰時學士劉公定之主試事得先生文喜  
曰有德者之言也非但以其文而已

三月登進士第

按日紀曰先生中羅公倫榜第十七文學行誼一  
時並稱科目得人以為莫盛於此云

閏三月選翰林院庶吉士

按日紀曰是年秋八月內閣試先生以中秋賞月  
賦先生寓對景憂時之意太史公亦愀然不樂曰

先生真以天下爲己任者矣

三年丁亥冬十月授翰林院編修十二月諫止煙火  
調臨武縣知縣

四年戊子春正月改南京大理寺評事

按日記曰先生調臨武時刑科左給事中毛弘具  
疏乞留故有是改

夏四月之南京大理寺任

按日記曰先生履任取庫中所藏百餘年案牘繙  
閱之始視其原發事由次及移文推勘而終於問

卷上

章文懿年譜

五

退補齋  
藏板

斷發落其參駁詳允具見得失閱數十卷一二月  
間凡民情吏事無不通曉軍民經其讞議者悉悅  
服稱爲天平章

五年己丑夏四月陳白沙東歸先生作詩勉之

按日記曰白沙東歸道經南都先生偕黃公仲昭  
莊公景往見之臨岐詒以詩其略曰洙泗迥且深  
伊洛浩不息建溪一以逝末流日湮塞浙水泛功  
利西江浸虛寂寥寥宇宙間何人踐斯域陵夷二  
百年儒術轉乖僻爭先取青紫明經竟何益有美

羅浮仙遺編自探索章甫非我心鏗然只鳴瑟尙  
友千載人充然如有得禮樂古三王刪修今六籍  
墜緒何茫茫仰鑽容致力回瀾障百川屹今中流  
石任重道路長行行慎無斃斯文諒有在前修未  
應沒何當謝塵紛雲山隨杖舄共對梅花春細叩  
先天易白沙作而謝曰命之矣不以我生而變不  
六年庚寅春三月劉公玉還京師乞言自勗而齊公  
按日記曰成化丙戌循故事選庶吉士與先生同  
選者二十有四人居歲餘或天或謫或去時劉公

卷上

章文懿年譜

六

退補齋  
藏板

來先生追感疇昔與之語其略曰事變之不齊者  
天也於萬變不齊之中而求所以齊者人也彼死  
生去就升沉離合天之所爲者吾固不得而齊之  
若乃立身行己之道事君之義不以死生而變不  
以去就而移不以升沉離合而異吾徒之所以自  
許有不在天而在人者獨不可得而齊乎齊其所  
可齊而於其所不可齊者有弗計焉則夫不齊也  
者又所以爲齊也詳見文集

七年辛卯夏六月三載考績乞歸省

八年壬辰二月得准省親先生遂行

秋八月奉勅封其親

按日紀曰父申甫封文林郎南京大理寺左寺左評事母吳氏及妻郭氏俱封孺人

九年癸巳夏五月陞福建按察司僉事

冬十月清理軍伍

十年甲午春正月議處番貨事宜

按日紀曰福州海外琉球諸國每歲除正貢方物其附餘許番人貨賣時未有明例一有買者輒以

卷上

章文懿年譜

七

退補齋藏板

通番罪罪之沒其貨于官先生憫其苦白巡撫張公瑄曰法許番人貨賣乃不許商人受買既不能禁絕其交易徒使其利歸于勢要及巡捕之人則非惟無益於國而反罔民於罪猶水之開決上流而塞其下豈能無泛溢之患乎况今民窮財盡而官府之用度日煩與其科之於民孰若取之於此張公從之先生遂十一而稅焉以足公用其民間一切科派之擾廓然爲之一清民到于今咸便之三月議處福安縣銀坑事宜

按日紀曰先是福建諸縣舊有銀坑歲辦銀課入  
內庫供國用其有鑛脉微絕納課不敷者則均派  
民田計畝科納以補其缺至是人知福安山多銀  
鑛羣盜四起爭採之遂相鬪殺不能禁乃調集軍  
民收捕防守民甚病焉先生曰利之所在人必爭  
之賊去而防守有月糧之費賊至而調集又有行  
糧犒賞之煩計其一歲之費已倍蓰於銀課之入  
所得不償所失何所益乎莫若置之不守而榜示  
于外令民皆採取選差廉幹官一員在於坑口監  
臨但入坑者皆報姓名俟其出坑計其每日所得  
十分取一收貯在官以補諸縣舊課之缺有復爭  
者治罪若取盡銀坑人自不至不必守矣當事者  
是其言乃聞于上從之而其患遂息民是以蘇

夏四月巡泉州以疾乞休不允

十一年乙未先生年四十歲春正月巡視鹽法

按日紀曰兩浙兩淮皆煮海爲鹽閩人就海濱治  
地爲田海潮至水溢而滷積日曝之則滷結而鹽  
成下四府產鹽值陰雨則失刊上四府行鹽則山

卷上

言文懿年譜

八

退補齋  
藏板

高路險不能遠出先生嘗謂鹽利雖國用所資而主其事者必須以義爲利使亭戶之輸鹽者不至流亡商人之鬻鹽者願出其途民戶之食鹽者各得其所百姓足而君無不足矣近年內臣鎮守專意謀利興販之徒皆其私人雖憲臣亦不得行其志若由今之道無變今之俗雖竭力盡心而其利終歸於權豪國與民皆無所益是豈以義爲利之道哉于是下令郡邑察其奸鹽法始疏

三月巡建寧道至邵武行救荒政

卷上

章文懿年譜

九

退補齋藏板

按日記曰三時不雨斗米千錢軍民告飢而府庫空乏人心洶洶互相爲亂當事者莫知所措先生行部謂其軍曰凶年難以取盈本折宜月各半支又謂其民曰稅糧未徵吾與爾免之又謂民無稅糧而飢餓者曰吾活汝遂下令免差役停徵軍需移文布政司借支官銀五千兩及勸諭富民量出穀粟以助賑濟驗口給穀由是軍民各得其所

夏四月泰寧盜蕭實貴等平

按日記曰是時羣盜劫掠撫按三司議調官軍捕

之先生曰此輩迫於飢寒不過欲全旦夕之命耳若勞以大兵則逃入山海出沒攻劫爲患滋大今宜緩以治之當不攻自破矣遂示郡縣加意撫恤由是蕭實貴等五十二人自縛來歸逾月而餘黨悉解人情大悅

### 六月巡建寧行糶糴法

按日記曰時新穀未登石米銀九錢民艱食官廩尙有積先生令發倉減價六錢糶之以甦民困待其豐也止用錢五錢糶米還官而餘銀一錢糶穀

### 卷上

章文懿年譜

### 十

退補齋藏板

以備賑濟由是公私稱便

### 七月巡延平諸盜平

按日記曰沙尤等縣奸豪蘇七生等扇惑飢民爲亂先生令同知王祺統率民兵授以方略勦平之十二年丙申春正月斷問寃獄

按日記曰長樂縣有民林甲者財力雄于鄉以讐誣林乙等五人死獄久不決先生覈其寃一朝釋之而誣者驚服曰非神明何以至此也

### 夏五月議鄉約

按日記曰羅公倫欲行所立鄉約先生曰鄉約之行欲鄉人皆入於善其意甚美但朱呂之制有規勸無賞罰豈其智不及此蓋賞罰乃天子之柄而有司者奉而行之居上治下其勢易行今不在其位而操其柄已非所宜况欲以是施之父兄宗族之間哉或有尊於我者吾不得而賞罰焉則約必有阻而不得行者矣可不慮其所終乎在比之九五王用三驅失前禽夫子以爲舍逆取順蓋來者不拒去者不追不能必人以從我也凡入約者必

卷上

章文懿年譜

十一

退補齋藏板

其誠意感孚革心向化而後可有不能從則當聽其出約今欲假官府之權力以必人之從已殆非所謂顯比之道也又聞族人有爲盜者必親置之死地此於當代之典先王之制聖賢之事皆所未聞孔子曰古之爲盜者惡之而不殺也不先其教而一殺之是以罰行而善不及刑張而罪不省若孟子所謂不待教而誅者蓋指殺人于貨之盜而言耳如狗偷鼠竊而皆殺之則彼禦人于國門之外者將何法以加之乎禮曰公族其有死罪有司

謝于公公既三宥之矣而又使人追之曰雖然必  
赦之有司對曰無及也然後爲之素服不舉如其  
倫之喪親哭之夫以朝廷之上法度所在其處宗  
族之死罪者若是而況於手自殺之者乎又況於  
罪不應死者乎以是知聖賢之在鄉黨其所以處  
族人者殆不其然昔漢人有爲盜者曰刑戮是甘  
乞不使王彥方知彥方遺布一端卒能化盜使之  
道不拾遺是不愈於殺乎陽城居晉之鄙晉之鄙  
人薰其德而善良者幾千人温公與康節在洛里

卷上

章文懿年譜

十一

退補齋  
藏板

中後生皆畏廉恥欲行一事必曰無爲不善恐司  
馬端明邵先生知是皆君子之居鄉有不約而自  
化者以先生之各德當不下於諸公自身而家自  
家而鄉久於其道彼將自乎何用汲汲乎強人以  
從約重法以禁盜耶雖曰君子之所爲眾人固不  
識然某之愚實有不能無疑者深願先生熟思而  
審處之如使今吉豐亦如温公康節之洛則朱呂  
之鄉約庶可行矣

十三年丁酉春正月三載考績

刻人姓名曰錄於

按日紀曰是時按察使唐公彬與諸公送先生于河酌酒爲別先生留別詩云三年憲府同懷抱此日離亭惜解携回首建溪溪上路春山隨處鷓鴣啼蓋是時已有歸志矣

冬十月上疏乞歸田里

按日紀曰先生奏稱明不足以折獄剛不足以去奸任非其能罪當罷黜時冢宰尹公旻慰留之先生辭益力尹公語之曰不罷軟不貪酷不老疾如何可退先生答云古人正色立朝某之罷軟多矣

卷上

章文懿年譜

七

退補齋藏板

古人一介不取某之貪多矣古人視民如傷某之酷多矣年雖未艾鬚髮早自亦可謂老疾矣尹公憮然驚嘆然亦知其意之決也覆奏准致仕

十四年戊戌夏四月提學副使胡公榮爲建書院先生辭止

十五年己亥冬十月先生弟慤之子拯生

十六年庚子夏五月鄱陽處士胡敬齋來訪

按日紀曰胡公居仁康齋吳先生門人潛心理學不樂仕進至是聞先生來訪焉先生與論甚敬重

之信宿而別既而又悔其別之速也追之河上弗及矣

十七年辛丑冬十二月先生長子擴娶潘氏

十八年壬寅春三月先生訪友人吾景端于開化之

文山

十九年癸卯春正月講學于楓木山

按日紀曰先生既歸四方士從游者日眾門牆不能容俾棲止於楓木山相與論難論爲學須立志必以聖人爲的由孔孟之成法而學則庶乎不

卷上

章文憲年譜附

古

退補齋藏板

差論學者須大其心胸蓋心大則百物俱通必有窮理功夫心纔會大又須心小如文王小心翼翼始得必有涵養工夫心纔會小不至狂妄矣

論詞章之學治世用之不能興禮樂亂世用之不能治太平竟何益也論虛寂之學最爲心害後

儒高明者往往溺焉自謂得簡易之妙終莫覺其非也論學術自程朱淪謝又大壞矣必須眞聖

賢出方能救得論政體第一是格君心收人才固民心爲本然後政事可舉而行也論世道惟

唐虞三代之盛皆是聖人在位致中和下此則一  
泰一否祇憑氣運推盪耳 論文廟祀典以道統  
言之須進周子兩程子張子朱子於配享之位汰  
漢儒之無稽者而序進宋數大儒於從祀之列斯  
允當矣 論三代以下人物諸葛孔明范希文直  
是全才然未免有事求可功求成處如程朱則是  
聖賢作用行一不義殺一不辜而得天下不爲矣  
論世變天地元氣到後來亦衰弱生出人物都  
厭厭不振少氣節甚至芝蘭亦變蕭艾矣 論士

卷上

章文懿年譜

五

退補齋藏板

習謝疊山云三代以後世之仕者無志堯舜之治  
富貴其身而已矣孔孟以後世之學者無志聖賢  
之學華麗其言而已矣 論法家必有關雎麟趾  
之意然後可以行周官之法度如鄭義門兄弟讓  
死篤義如此其家安得不悠久乎 論風俗嘗欲  
會同志擇里而居傲橫渠復古之志行藍田呂氏  
鄉約庶可一變而厚又曰吾婺有三巨擔自東萊  
何王金許後道學無人擔自宗忠簡潘默成後功  
業無人擔自吳黃柳宋後文章無人擔後學可加

勉也 論居常處困每誦伯夷叔齊餓于首陽之  
下民到于今稱之之語便覺自警拔 論居敬自  
謂於專一上見功覺得心中無甚放僻邪侈之雜  
論窮理自謂於精義處得力見得進退辭受之節  
頗分明 凡有不一而足諸生若張子吳董子遵  
陸子震姜子麟姜子芳鄭子緒黃子傳俞子滂唐  
子仁唐子龍黃子迪輩篤信先生每有所聞輒私  
記之

冬十月先生孫訢生

卷上

章文懿年譜

六

退補齋  
藏板

二十年甲辰秋八月講易義

按日紀曰先生次子捷娶敘州知州陸公淵之女  
就姻敘州先生送至常山時子婿趙做門人董遵  
賀位祝吳輩從行舟中講乾坤二卦反覆辨明殆  
無餘蘊焉

二十一年乙巳先生年五十歲夏五月子捷以其婦  
陸氏歸自敘州

二十二年丙午夏六月廣東林子緝熙來訪

按日紀曰林子白沙老友也教授平湖主福建試

訪先生於山中請益而去

弘治元年戊申春正月廷論薦先生

按日記曰是時朝廷新政求賢圖治主事林公沂御史姜公洪楊公鼐王公鑑之等交章薦先生而王公奏章云先生德足以表人文足以華國乞要催督該部授任

秋八月復鄭賀二公書

按日記曰御史鄭公紀給事賀公欽者遼東人是年春各有書來至是答之其略云曩者克恭書來

卷上

章文懿年譜

七

退補齋藏板

謂白沙稱定山得天理之真樂而未得其詳故以孔顏所樂周程所尋者其道甚大工夫最難言之今得吾兄之言乃知白沙所以稱定山者固亦平易而非過高之論與僕之言自不相妨如曰脫去名利則凡幽人隱士皆能之未足爲定山之高致盛節也如曰少有家累爲未遊五嶽之向平則亦人之常情耳在聖賢則無此累矣或問顏子在陋巷而顏路甘旨有缺不能無憂朱子曰此重則彼自輕夫以事親甘旨且不足爲累而况以婚嫁爲

累乎彼向平者讀易而未知死生是猶未達於原  
始反終之說也其遊五嶽名山亦不過以絕人逃  
世爲潔耳豈聖賢之道哉是又似甲吾定山矣至  
引康節之言謂其得天理之真樂則又以風流人  
豪英邁蓋世者目之視前所謂脫去名利如向平  
者又不足言矣豈旣抑之而又復揚之亦有深意  
乎今就康節而論明道曰堯夫詩纔做得識道理  
卻於儒術未見所得又曰堯夫之學要之亦難以  
治天下國家其爲人無禮不恭惟是侮玩謝子又  
曰他只是得天地進退萬物消長之理故敢做大  
於聖門下學上達事更不施工所以差卻朱子則  
謂康節之學似老莊似楊雄近似釋氏往往皆有  
不滿之意蓋無下學上達工夫已非孔子之學而  
無禮不恭又豈若顏子之克己復禮者乎所學如  
是吾意其所得之樂亦未必爲孔顏之樂也朱子  
論孔顏之樂必曰博文約禮而竭其才則庶乎可  
得是先由學問之功而後得其樂也今康節之言  
乃曰得天理之真樂則何書不可讀何堅不可攻

卷上

章文懿年譜

七

退補齋  
藏板

何理不可精是先得此樂而後可以精理讀書其  
言似乎倒置苟非有康節之天資孰能不假學問  
而自得其樂哉詳味白沙書意蓋謂定山既得康  
節之樂又得讀書窮理以求進於孔顏之樂耳若  
僕之愚見則就孔顏之樂論之故謂今之學者未  
易可及何嘗甚異於白沙之言哉若因白沙之言  
謂定山已得顏子之樂則到此地位守而化矣所  
謂雖欲從之末由也已尙何待書之讀堅之攻而  
理之精乎今吾兄與克恭之辨若是者豈誦白沙  
之言而未之思耶來教有云真樂在天地間人人  
有之人各有是性有是理則各有是樂矣愚竊謂  
天理爲人人有之則可謂真樂爲人人有之則不  
可蓋凡厥有生均稟同賦理固人之所同有也然  
自氣拘物蔽之後剛柔善惡智愚賢不肖萬有不  
齊惟夫上智大賢能克己復禮此身此心從容涵  
泳於天地之中者乃能得其樂耳若有一毫私意  
紛擾於其間則不能樂矣然世之聖賢常少愚不  
肖常多其可謂人人有之乎其他有所樂者皆吾

卷上

章文懿年譜

克

退補齋  
藏板

兄所謂樂非其樂而不得其真樂者也何可與之  
同日而語哉來教又云諸老先生尋孔顏樂處則  
有得焉者也今指之爲所欲尋者不識諸老先生  
之於真樂其有得耶其未得耶竊聞濂溪每令二  
程尋孔顏樂處故以欲尋言之初未嘗謂其欲尋  
而未得也蓋尋者追而求之之謂如追已失之物  
而還之耳故尋之則有必得之理所謂我欲仁斯  
仁至矣是雖不言得而得在其中矣孰敢謂諸老  
先生爲未有得哉特以朱子之言求之其所謂欲  
罷不能而竭其才者乃顏子之地位也然猶曰庶  
乎其有得之庶乎二字言之慎重若是蓋未敢遠  
以爲大有所得也朱子之不敢易其言而豈後學  
之可以易言哉先儒有云惟聖人然後能知聖人  
若諸老先生之所得非後學之所能窺測故不敢  
以憶度而言之也來教又謂信如僕言不幾絕天  
下於無人耶不幾使真樂作一話說耶不幾阻後  
學之進耶愚謂自孔顏而下周程而上千五百年  
未聞有得其樂者由周程而來亦數百年矣得其

卷上

章文懿年譜

三

退補齋  
藏板

樂者又幾何人哉是則真樂之徒爲話說久矣亦豈區區妄言之罪哉僕之不敢以易言者蓋欲使人勉其難而非所以阻其進也自昔賢人君子處順境而樂之者易處逆境而樂之者難若曾點之浴沂詠歸康節之擊壤歌咏皆順境也唯夫床琴於浚井之曰絃歌於絕糧之餘以至飯蔬飲水簞瓢陋巷之中無往而不樂焉乃爲境之逆而樂之真耳是豈人之所易能哉來教又謂尋樂爲孔門第一事是固然矣而非初學之可至也故夫子之

卷上

章文獻年譜

三

退補齋藏板

教曰文行忠信曰博文約禮至於克己復禮主敬行恕先難後獲之類各隨高下而告語之未嘗先有尋樂之說至濂溪之於二程乃令尋孔顏所樂何事蓋以其天資之高學力之至爲可以與於此也而程子教人則自致知至於知止誠意至於平天下洒掃應對至於窮理盡性如曰以誠敬爲入門以踐履爲實地如曰涵養須用敬進學則在致知皆未嘗以尋樂爲言豈非其門人之未足以當此乎故朱子曰先賢到樂處已是成就工夫向上

去了非初學所能求今之師非濂溪之師今之友  
非二程之友而說此事卻似莽廣不如且就聖賢  
着實用功處求之觀於此言其意蓋可見矣若吾  
兄與白沙定山賀諫議諸君子負豪傑之才學聖  
賢之學爲今之濂溪二程則其深造自得固所優  
爲如僕之不肖敢易言哉自幼爲學雖未嘗無尋  
樂之心然自省於日用之間言焉未能無口過則  
有所不樂行焉未能無怨惡則有所不樂隱微之  
間念慮之萌而眞妄錯雜又有所不樂行年五十  
方且戰兢惕勵求爲伯玉之知非寡過而未能其  
於天理眞樂誠然未之有得故其言之卑陋若是  
惟吾兄不鄙其愚引而置之安樂窩中則幸甚幸  
甚 答賀書云昔朱子論孔顏之樂有曰學者當  
從事博文約禮以至於欲罷不能而竭其才則庶  
乎有以得之夫以顏子之學至於欲罷不能而竭  
其才蓋在請事斯語之後三月不違之時先儒所  
謂到此地位直是峻絕工夫尤難者也今日二程  
尋樂在太中遣從學之初及再見則已得之矣豈

卷上

章文懿年譜

三

退補齋  
藏板

顏子亞聖得之如此其難而二程得之乃若是其易耶且與朱子所謂先賢到樂處已是成就工夫向上去了非初學所能求者意有不同此愚之所以不能無疑也蓋樂其天者乃仁者安仁之事如顏子之仁去聖人未達一間故止曰不改其樂視夫子之樂在其中者已不能無間矣聖門諸高弟德行如仲弓可使南面而夫子不許其仁是仲弓未能得此樂也安貧如原憲克伐怨欲不行自以爲仁而夫子不許其仁是原憲未能得此樂也穎悟特達億則屢中如子貢而貨殖焉則不與庶乎屢空者同科是子貢亦未能得此樂也當時唯曾點有浴沂咏歸之樂夫子與之而行不掩言不免爲狂朱子曰顏子之樂平淡曾點之樂勞攘又曰點之樂淺近而易見顏子之樂深微而難知點只是見得如此顏子是工夫到那裏了又曰曾點細密工夫卻多欠闕便似莊列令人若學他便狂妄了觀此數條則曾點之樂已不同於顏子矣以夫子之門從遊三千莫非天下之英才其所稱許者

卷上

章文懿年譜

三

退補齋藏板

獨顏曾二子然曾點已非顏子之匹則得其樂者  
或寡矣濂洛諸老先生奮乎千五百年之後能尋  
孔顏之樂而樂之孰敢謂其終身欲尋而未之得  
哉竊意其所得之樂視顏子未能無間耳顏子之  
非禮勿視聽言動決於一日之間微有差失便能  
知之纔知之便更不萌作其不貳過者如此若程  
子自言十二年未能忘遊獵之心與橫渠言十五  
年學箇恭而安不成明道曰可知是學不成有多  
少病在其所自言若是則其上視顏子亦豈能無

卷上

章文懿年譜

語

退補齋  
藏板

間哉所謂再見之後吟風弄月有與點氣象者亦  
以所見之到此田地故以點自况而未嘗自擬於  
顏子也若其學顏子之所學而力行以造其極得  
此樂必將在其年高德劭之後伊川稱明道十五  
六時聞汝南周茂叔論道遂厭科舉之業慨然有  
求道之志蓋汎濫於諸家出入於釋老者幾十年  
然後反求諸六經而得之亦不謂其一再見而遂  
得之也是雖諸老先生其可以易言之哉蓋區區  
平日卑陋之見敢以質於吾兄幸爲之訂其訛而

卻其惑也若吾定山天資之高學力之至加之以二十年進修之功固當有得但以區區見聞有所未及故曰久不相聚未審何如蓋亦自愧其識趣卑下不足以深知定山云爾豈若來教所謂料不能有爲以造自得之地者哉來教又謂區區之意似謂今人斷不能有與於斯道者此則有說夫率性之道人人有之固不以堯舜塗人而異也然自氣拘物蔽之後則不能齊矣人固有一言之合乎道者有一行之得乎道者有一日而至焉者有一

卷上

章文懿年譜

三

退補齋藏板

月而至焉者謂之非道固不可然不過得道之一隅與造道之暫時而已求其能得斯道之傳則非全體而不息者不足以當之未審吾兄之意其將以得道之一隅者有與於斯道乎抑亦以全體不息者有與於斯道乎如以一隅爲得則雖愚夫愚婦可以與知能行而况於君子乎如以全體不息者言之則自孔顏曾孟而下寥寥者千餘載矣宋之盛時稱周程張邵然程子謂康節於儒術未見有得朱子謂橫渠之於二程猶伯夷伊尹於孔子

則張邵已不可班於周程矣南渡之後有朱張呂  
三先生焉然朱子謂南軒伯恭之學皆踈略南軒  
踈略從高處去伯恭踈略從卑處去則張呂又安  
可班於朱子耶由是觀之其得斯道之傳而醇乎  
醇者惟周程朱子而已豈不難其人哉游程子之  
門而學其道者多矣而和靖謂伊川未嘗許一人  
游朱子之門者英才尤眾而得其傳獨稱勉齋他  
人皆不與焉當二先生之時見而知之者若是其  
寡也而況於聞而知之者乎有元之世學者皆推  
尊許魯齋吳草廬其學非不各有所得將欲比而  
同之於周程朱子其亦可乎不可乎推古驗今此  
愚所以恆懷孟氏卒章之憂而深有望於白沙定  
山與吾兄克恭克修諸君子也願諸君勿謂己得  
其樂而自滿益以顏子之非禮勿視聽言動不遷  
怒貳過者俛焉日有孜孜以求於欲罷不能所立  
卓爾之地則其所得之樂又有大於今日者矣異  
時道統之傳不在茲乎

二年己酉春三月黃巖謝公鐸來訪

卷上

章文懿年譜

三

退補齋  
藏板

按日紀曰是時謝以纂修實錄起踰嶺來訪乞先生文以別

四年辛亥夏四月南京工部侍郎黃公孔昭論薦

按日紀曰時有令旨大臣各舉所知黃公奏略云臣推舉得某養病日久安於靜退但念聖明之世有材如是棄而不用誠可惜也云云

五年壬子時南京大臣論薦先生辭免

按日紀曰時南京吏部尙書張公悅奏稱某志行高潔識見精明有古人之風安於恬退不求人知

卷上

章文懿年譜

三

退補齋藏板

使之爲政必能拯貪殘之吏弊以之設教必能變澆薄之土風豈可聽其老於巖穴終身不用哉繼而南京僉都御史虞公瑤咨稱某清修雅望引身去位恬退可嘉應合舉用於是吏部移文所司查勘回報先生聞之卽以書與憲長于公大節云向者先生欽承簡命總憲浙臺六轡之來道經敝邑而某也獲覩光靈甚慰平生翹企之懷且自幸其養痾田里之間得與黃童白叟共覩澄清之政何其快也不意近者聞有臺檄明揚側陋及於不肖

此區區之所甚懼而不敢當者蓋某本心非不欲  
仕第以才力弗堪竊祿有愧加之疾病侵凌遂乃  
力求休致初非他有意外之望也歸田一十五年  
今犬馬之齒五十有六矣蒲柳之質多病早衰精  
神凋耗心志健忘且父母老疾甘旨湯藥乏人供  
奉不可一時離側西山之景人子之情一喜一懼  
若復貪榮求仕非惟得罪名教抑且有違法律將  
何自立於世先生亦豈忍使某喪其平生而至於  
是耶今有司承望風旨不容辭避輒以未衰堪用

卷上

童文懿年譜

天

退補齋  
藏板

誕慢回文萬一據其成案別有施行使之進退維  
谷豈不重爲不肖之累敢以此紙布其腹心乞將  
前項公文寢罷使之得安愚分終老山林則其感  
戴知己之恩非淺淺矣餘非所敢望也

六年癸丑先生修蘭谿縣誌

冬十月先生母太孺人吳氏卒

七年甲寅春正月與門人黃子傳書

按日紀曰傳時宰江陰先生與書略云吾靜觀世  
變向後未免多故吾友於作縣之餘當以宇宙內

事爲已分內事凡古人所以經綸天下通變宜民若禮樂制度以及武備邊防之類皆須一一講究以俟他日大用舉而措之以繼鄉邦前輩陳同甫之志宗忠簡鄭北山之業不亦偉乎此則區區所深望也其他皆吾友所優爲者姑置勿論

八年乙卯先生年六十歲

九年丙辰春三月答費公宏書

按日紀曰先生書略曰來教所論學易而欲求妙契四聖之心超乎數象之外某非其人何足以辱

卷上

章文懿年譜

五

退補齋藏板

來教敢請所聞以求正焉蓋自圖書出人物生而易之數顯高下位方物殊而易之象著故聖人因其自然之象數而設之卦爻寓之著策以爲卜筮之用若舍是則無以爲用矣然一以貫之則畫前太極之理乃易道之根源所謂超乎象數之外者而實未嘗離乎象數之中也苟舍象數而求理則未免論於虛無泥象數而不求理則未免淫於術數惟不泥於象數而亦不離乎象數斯可以言易矣故曰形而上者謂之道形而下者謂之器道非

器不形器非道不立道亦器器亦道程子所謂體用一源顯微無間者也若乃四聖所以作易之心則朱子五贊於述旨之篇已備言之所謂恭惟三古四聖一心者殆非虛語至於後人所以學易之方則朱子警學者之贊與程子序文所謂隨時變易以從道者亦可謂明白而詳盡矣先生熟復而詳味之必將大有所得也

冬十月與參議吳公紀書

按日記曰參議吳公以金華多名賢請先生校定

卷上

章文懿年譜

三

退補齋藏板

其德業聞望之最者爲誌立祠郡中以風勵後學先生與書云昨承以鄉賢祠誌見委竊謂此書事體重大非不肖所敢當已嘗再四求免而嚴命所臨不容辭避茲因仰承盛意取法朱子名臣言行錄及伊學淵源錄之例雜取諸賢言行事實逐條附列以爲遺事又錄其所述作以爲遺文分爲上下兩卷庶幾觀者易見其爲人之實然來教又謂前所議勳業一條未當今復更定總以名臣稱之不知尊意可否祠中諸賢各隨所長分類而列之

卷前以見所以崇祀之意非敢以是而定祠中之位次也又曰登諸祀典之人不貴乎多而貴乎精必合乎天下後世之公論方可耳

十年丁巳春二月鄉賢祠志成

按日紀曰先生論鄉賢云古人祭有道有德者於  
瞽宗又謂鄉先生歿而祭于社則鄉賢之有祀久  
矣金華在故宋時嘗祀梅節愍宗忠簡潘默成三  
賢于學宮祀東萊呂成公于麗澤書院至元則又  
有四賢書院以祀何王金許四先生後遭兵燹羣

卷上

章文懿年譜

三

退補齋藏板

祠皆廢我朝成化初浙東僉事辛公謂東萊既從  
祀孔庭而四賢講明道學以續考亭之緒其功尤  
大乃奏立正學之祠然宗潘諸公猶未及焉弘治  
丙辰浙藩亞參湖南吳公旬宣所至庶績用熙乃  
考方志修典故謂茲文獻大郡碩儒鉅公彬彬輩  
出立德立功立言者後先相望殆不可縷指而有  
道有德鄉先生之祀僅若是焉非缺典乎宜有舉  
其廢者乃請于巡按侍御東廣吳公公觀風察政  
洗冤澤物靡所不至而謂此舉有補風教弗可緩

也爰命有司綜理其事時同郡薛侯志崇先哲承  
命唯謹以學宮地隘弗稱爰靈而更卜地于郡城  
南隅經斯營斯不日就緒公又以爲郡故多賢弗  
可限之以三而著錄于傳志者累數百人亦弗能  
遍祀也乃推擇其名德最盛者數十人而尸祝焉  
其已祀者則仍其舊間又命薛侯雜取東萊四賢  
及祀中諸公之遺事遺文類而集之以爲祠志欲  
人之誦其詩讀其書而論其世也其幸教吾黨之  
士何其至耶既乃命予識其末簡嗚呼疇昔吾婺

卷上

章文懿年譜

三

退補齋  
藏板

稱小鄒魯他郡莫敢望而擬焉夫何前修旣沒徽  
音莫嗣衰微不振者于茲百年矣山川如故風氣  
不殊何古今人之不相及耶亦豈世降俗流未有  
以感發興起之耳古之化俗導民者非必其條教  
之詳法令之嚴也蓋有陰感默誘神而化之使自  
趨之之道焉昔廬陵有四忠一節之祠文丞相履  
善少嘗遊之而歆慕曰死不俎豆其間非丈夫也  
厥後文公果以精忠大節著于天下視前人尤有  
光焉非祠之所感而然乎此公與侍御公之所以

汲汲于是也後之人進而瞻于祠像退而考諸祠志遐想其人於數百載之上必將有奮然于中不能自己而思所以俎豆其間若文公之有爲者矣孰謂諸公是舉無關於風化也哉祥有開而必先運無往而不復造化人事盛衰之理往往相仍而行百年曠典一朝而舉殆不偶然得非吾婺將復宋時之盛而天啓之乎邦人君子尙其勉哉尙亦無負天之所啓無負諸公之所望哉

十二年己未授學于家

卷上

章文懿年譜

三

退補齋藏板

按日紀曰先生自成化末艱於步履不能往來楓山門人後進者率于家庭受學四書以重訂大成爲主自朱子以後諸儒之說合於集註者錄之名爲集說周易一依古易彖象及文言繫辭說卦序卦等傳各自爲一卷

十三年庚申春廷臣論薦先生辭免

按日紀曰時大臣交章論薦及巡按浙江御史鄧公璋奏稱先生博通古今淹貫經史直節足以正風化介行足以勵貪薄久著聲華允協士論乞要

起取赴京量加陞遷於是吏部移文推勘先生具狀力辭之其略曰某自少時應舉覓官備員憲府自知其才之不及身之多病而素飭有愧辭祿歸田二十餘年矣迨今年日益邁病日益深精神筋力衰憊不支豈復可以奔走於宦途况有九旬之父老病隆鍾日侍湯藥不可暫離此人子喜懼之日古人不以三公換之時也又安可棄親從仕故違禮律爲名教之罪人乎云云

夏四月刑部主事潘公府疏薦

卷上

章文懿年譜

五

退補齋藏板

按日紀曰是時北虜犯邊潘公進禦戎要策乞博訪天下豪傑苟有賢達重望經濟奇略如浙江老臣章某者特加聘擢親賜問對又奏救時十要云王恕章某咸有老成宿望宜亟起之以備咨謀秋八月與門人董子遵書

按日紀曰遵時在京先生書云區區出處之事素履已定吾友所深知也過承許黃門孫文選潘秋官謬加推薦幸吾友代言以伸謝私蓋諸公雖甚相愛而未爲深知故也古人壯而仕老而休理之

常也區區四十二而歸休今年六十有四而復欲  
求出事之倒行逆施莫有甚於此者豈不貽笑天  
下乎繡衣尙未到若其來有所強迫是使之進退  
維谷爲羝羊之觸藩矣須仗諸公爲之解圍而後  
可也不然則諸公之愛之者適所以苦之也外聞  
近有邊患雖爲廟廊之憂亦處江湖者所當同憂  
但不知其詳不知此時已安靜否又云區區之事  
儘在曲折試爲吾友商之世俗不知往往以爲果  
於忘世如晨門荷蕢之流者非也君臣之義無所

卷上

章文懿年譜

三

退補齋藏板

解於心吾聖人亦有不仕無義之訓豈敢若彼之  
果哉又或疑其詭隱自媒而索高價希望美官若  
終南之捷徑者尤非也位至五品方面亦自不卑若  
從少時隨羣逐隊積累至今三十餘年亦可得美  
官又何必假高隱之名以求之哉只緣當初爲學  
嘗有志於當世旣而應舉得官乃左牽右掣不得  
一如所志是以量能度分自知不可有爲不得已  
而去以求免素飡之愧耳設使略得展其四體雖  
抱關擊柝亦甘心爲之豈計官職之大小哉今日

之官惟知州知縣有志之士欲功德及民者可行  
得三兩分若知府以上隔於州縣若下非其人雖  
有善政亦難以及民矣在兩司則專職之官如屯  
田水利提學巡海等項亦可展一二其他非一人  
可專主者甲可乙否皆不能有所爲此官之所以  
難做也吏部文書止是催勘猶可辭避但恐有特  
旨者則不容辭耳自揣愚分無官可做苟處之不  
以其道用之不當其才而徒使之隨羣逐隊虛竊  
廩祿以肥身家則盡壞所學不若不出之爲愈也

卷上

章文謏年譜

三

退補齋藏板

又云北虜之患自古以來無歲無之但須觀其所  
爲若專以搶擄爲事志在金帛子女則滿其囊篋  
必自退去終不能爲大患不過邊民被其騷擾不  
得安生耳但推選守邊之將嚴備以待之便可無  
事若有豪傑生於其間如趙元昊阿骨打之流志  
不在小必先併合諸部以壯其勢不爲鼠竊狗偷  
到處攻城略地收拾人心爲久住之計則中國之  
憂方大非有韓范之帥宗澤岳飛之將不能禦也  
今之爲將者往往皆膏粱統袴子弟素不知兵一

聞寇至則望敵先懼便求益兵朝廷不務擇將而  
輕易出師是以平時備邊將卒皆不可用而有待  
於京軍也若京軍到彼敵已先去及旋師而歸敵  
又再來往返數四兵疲財匱則不戰而自困矣非  
策之善者也或有他寇相挺而起其爲患可勝言  
哉宋時任福敗於西夏其勢甚危未聞京中命將  
出師惟任韓范在彼措置卒於無患此其已然之  
明驗也爲今之計莫若慎擇將帥必以材選不由  
賄得而厚其爵賞使其練習士卒敵至則戰敵去  
則守隨機應變有失律者必正典刑則不煩京軍  
遠出而邊備自固矣愚見如此吾友試與諸公論  
之不知以爲何如

十四年辛酉春二月松坡先生卒

按日紀曰松坡以是月四日終於正寢其治喪一  
遵松坡先年所定孺人吳氏喪禮不敢少有違焉  
及葬先生自誌其壙

秋八月陞南京國子監祭酒

按日紀曰南京缺祭酒吏部題云章某係節該科

卷上

章上懿年譜

三

退補齋  
藏板

道等官奏要起用近又該巡按浙江監察御史陳銓查勘本官病已痊可見丁父憂具題節奉欽依待有相應員缺來說欽此今若可用候有成命之日另行本官令其服闋赴任本月初六日奉旨章某陞南京國子監祭酒

是月姪拯舉于鄉

冬十一月先生奏辭免新任

按日紀曰章公拯時赴京會試先生因附奏焉疏具集中

卷上

章文懿年譜

三

退補齋藏板

復東陽御史盧公格書

按日紀曰格同年楷之弟也書議朱子先生云如論四書集註不備著諸儒名氏使其老死著述而混於無聞愚謂朱子初修論孟集義及中庸輯略等書已備載諸儒之言而錄其名氏又皆有或問以辨其言之得失則諸儒固不患於無聞矣集註不過節其精要之語以便學者之誦習其不詳錄者蓋省文耳非沒其善也又論孔子贊易無一語及於卜筮而朱子專主卜筮爲非愚論伏羲畫卦

文王周公繫辭本爲教民卜筮而作孔子於大傳  
如所謂開物成務興神物以前民用所謂斷天下  
之吉凶成天下之亶亶莫大乎蓍龜者皆以卜筮  
言也朱子無非卽卜筮以發明義理如語子惟孝  
語臣惟忠必中必正乃亨乃吉者可見矣觀其所  
引春秋傳子服惠伯穆姜之言皆本義理以論卜  
筮尤可見義理卜筮不可岐而二之朱子固未嘗  
有戾於孔子也若專談義理而不本卜筮則必流  
於王弼之祖尙清虛若專論卜筮而不根義理則  
必爲巫史之妄談禍福豈聖賢開物成務之意哉  
又論綱目書法謂莽操懿裕楊堅皆同篡弒而有  
書莽書主書帝之異賈充楊素李勣李林甫罪惡  
百倍揚雄而彼皆書卒雄乃書死爲朱子之失愚  
竊以爲鄭莊公之子忽爲世子而突乃庶子皆由  
祭仲而立春秋於忽止書世子而突乃庶子皆由  
公之子奚齊卓子皆爲里克所弒而春秋一書殺  
其君之子一書弒其君聖筆予奪固有深意綱目  
書莽書主書帝亦必有謂豈可一律齊之若充素

卷上

章文懿年譜

堯

退補齋  
藏板

與勤林甫皆無狀小人而雄好古道乃亦如是則  
綱目書死得非春秋責備賢者之意乎區區淺陋  
於高論多所未達所欲請問者非止三條特舉此  
以爲兆耳倘無吝教願竭兩端以發愚蒙

十五年壬戌春正月弟懋卒

三月姪拯登進士第是月拯以辭免新任疏進不允  
按日紀曰吏部劄付備云原任福建按察司僉事  
章某奏稱陞臣南京國子監祭酒遭值父喪例應  
守制又兼筋力衰憊老病侵尋乞要追寢成命別  
推可用實才以充厥位容臣仍以舊官致仕四月  
初二日奉旨章懋不准辭待服滿着到任管事

十六年癸亥春正月吏部催赴任

按日紀曰吏部勘合照會浙江布政司行文催促  
本官服滿之後作急赴任管事

三月具奏懇辭不允

夏四月差官守候赴任

按日紀曰吏部劄付略云章某學行俱優士望所  
歸難准辭免合無本部行移浙江布政司差官賚

卷上

章女懿年譜

甲

退捕齋  
藏板

文前去守候本官作急赴任以慰人望以副盛典  
四月二十六日奉旨祭酒重任正要得人章懋學  
行老成已有旨不准辭着上緊赴任管事

秋八月先生赴任

按日紀曰先生教人爲學每以躬行實踐爲先講  
學作文次之其班錢膳夫倉庫等銀之弊一時革  
之殆盡士心翕然

九月試諸生

按日紀曰先生云古之士以德業相先今乃行業

卷上

章文懿年譜

聖

退補齋藏板

不修惟算撥歷之日月古之學以明經爲務今乃  
經術不講羣爭短差之甜苦欺誑相習每稱病以  
免坐堂奔競成風或附勢而求速化憚拘束而樂  
放縱避勤勞而求安逸若是者可望其有成才乎  
時諸生聞之爭相洗滌

十七年甲子二月妻孺人郭氏卒

按日紀曰孺人以是月十四日卒子捷扶柩歸葬  
先生誌其壙後二年蒙恩追贈恭人以正德丙子  
冬遷葬于長山岡先塋之右焉

三月上修舉學政疏

按日紀曰先生具奏其略云乞於常貢之外間令提學憲臣於人才素多去處行選貢之法不分廩膳增廣生員通行精加考選務求行著鄉閭學通經術年富力強累試優等者乃以充貢通計天下之廣約取五七百人照依地方分送兩監今年首行一次以後或三年或五年量在監人材多少間一行之更乞自弘治十八年以後會試下第舉人該送南監者寬其違限之條要以坐堂之實一年

卷上

章文懿年譜

聖

退補齋  
藏板

之上方准起送會試如係復監人數須令實坐堂二年之上方准再送會試如此則生徒之數可以漸及往年且多精銳可進之資勤用提撕嚴加程督稍做分積之意用申激勵之方務令文行兼修政教粗舉成材有望附選及時豈惟差撥恒充固將官使克稱庶乎國家有以收養士之効而臣少道尸素之愆也云云

秋九月奏乞放歸田里不允

按日紀曰先生謂欲淑士心而奔競貪鄙之風未

變欲新士習而澆僞浮薄之態尙存涖任已踰其  
月課績全無毫分乞要放歸田里具奏奉旨章懋  
學行老成允宜師表着盡心職務以副委任不准  
辭

十月上弊政疏

按日紀曰先生疏略云法無古今便民者爲良法  
論無當否利民者爲至論今天下承平日久政出  
因循以言乎國用則不充以言乎兵力則不强以  
言乎國論則不定以言乎紀綱則不肅以言乎刑

卷上

章文懿年譜

聖

退補齋  
藏板

罰則不清以言乎俗尙則奢僭而無節以言乎士  
習則奔競而嗜利以言乎官吏則誕謾而具文澆  
僞日滋而閭閻窮困奸宄竊發而邊鄙失寧臣固  
未敢出位而僭言也姑就職司所及者而論之

十一本監歲貢諸生先在各處府州縣學爲附學爲  
增廣亦既有年然後得廩其廩膳必二十餘年或  
三十年而後得貢迨貢入國學遠者十餘年近亦  
三五年而後撥歷又歷事一年而後掛選通計前  
後五六十一年又待選十餘年而後得官則其人己

老多不堪用而死亡者亦不少矣是國家虛費廩米數百石以養一人而不得其一日之用豈不重可惜哉此今日積弊之大者不可不早爲之所也如蒙乞勅該部計議先清之於學校責任提學憲臣嚴加考選凡材之庸下年之老邁不堪作養者不許食廩充貢次清之於國學照依先年命大臣揀選之法而加嚴考試凡材之庸下年之老耄不堪任用者不容在監待其掛選之時吏部就行者定高下或賜冠帶或授合得品級散官使之待選

卷上

章文獻年譜

器

退補齋藏板

於家而行令各處巡按巡撫分巡分守及司府正官凡有公事委之幹辦既可使之習於政事又可驗其能否每歲終各該上司開具差委過各人幹辦事跡第其材識高下造冊奏聞其材識優長堪任用者卽行取選年老無材不堪用者就令致仕况洪武中嘗差監生各處丈量田土亦欲驗其能否而授職也明試以功如此則官得人而民皆受其惠矣此賢愚同滯之弊所當革也

一本監舊制博士助教學正學錄等官共三十七

員蓋國初天下人材共入一監作養故設官之多如是後因添設北監頗行裁減查得成化初年本監止有博士三員助教十員學正學錄共七員今在監諸生不過七八百人而博助正錄等官餘三十員又會饌久停掌饌一員已爲虛設而今乃有兩員似乎過冗且各官所食之廩祿所役之皂隸皆生民之膏血而國家大農之經費也冗食不節國用虛矣臣等竊聞官不必備惟在得人各官爲諸生表率後學範模苟非其人則師道不立教難

卷上

章文懿年譜

巽

退補齋  
藏板

成效又恐近奉新例風憲有缺許於博士助教等官內選補則此各官者不惟風教所係抑乃風憲之儲尤宜慎選其人<sub>不</sub>以備員爲貴也如蒙乞勅該部參酌所宜量爲裁減畧如成化初年之數以後遇有員缺合無行令巡撫巡按提學等官推選學行超卓教誨有方者列銜舉奏及九年考滿教官內有功績而兼著時名者以補其缺庶用不失人既有以佐風教而員不至冗又可以寬民力矣此冗食之弊所當革者也

一本監官吏俸糧及監生家小月糧俱係糙米師生會饌係熟米每歲預先會數具呈南京戶部坐蘇常等府解納本色近奉南京戶部劄付判到弘治十六年分折納糙米熟米共三千八百石計銀二千六百六十兩不分糙米熟米俱作七錢一石臣等查得南京部院等衙門官吏監生俸糧近年俱是折價每石折銀七錢今將本監俸月糧糙米亦作七錢一石折納委實事體相同經久可行惟有會饌白熟米亦係按月關支每人多者不過三

卷上

章文懿年譜

吳

退補齋  
藏板

斗少者不過七八升者有三五升者有之若將銀兩碎分不免虧折之患又後湖查冊監生數多所有饌米乃日用之不可缺者雖云有銀可糴而米貴時熟米一石止七錢欲從本監糴買供應不免賠補之患若止將銀兩送湖則湖上亦費區處臣等愚見此項糧米只合收受本色已行具呈南京戶部定奪該部稱係巡撫衙門奏准事例擅難改移只得遵依收受訖但恐遂爲永例則二患未有已也如蒙乞勅該部查議合無將本監官吏監

生俸糧月米以後年分照依各衙門事例折納價銀使民獲輕賚之便其饌米仍納本色則官免虧折賠補之患此則預防其弊官民兩便之事也

一本監舊額膳夫一百名皆應天府所屬各縣審均徭人戶充役爲因節有逃亡不便成化二十年該巡撫南直隸右副都御史王克復始行改派蘇松常徽寧五府每名一年解銀一十二兩有閏加一兩以充顧役之用本監先前收獲前項銀兩顧人應役自文廟六堂及博士廳并內外各號看守

卷上

章之懿年譜

罢

退補齋  
藏板

洒掃及雜用工役等項共顧七十餘人該用工食銀四百五十餘兩其餘分派各官名下顧人跟用及本監一應公用如辦納內府浣衣局溼小粉等項皆於此取給先任祭酒劉某頗嘗積有贏餘奏准修理號舍訖自臣到任以來所收弘治十五年十六年銀兩除顧人應役外比照北監先行事例止給與博士助教學正學錄典簿掌饌職卑祿薄官員各一名每名止解銀十兩共用三十二名其餘公用隨宜節縮亦頗有餘均於六堂監生俱有

文案簿籍惟是未經奏請於義未安今弘治十七年蘇松常三府共該膳夫七十名每名止解銀十兩其來文開稱係巡按馮御史議處事例而徽寧二府卻照舊例解發多寡不齊欲便聽從輕減以寬民力義無不可但亦未經奏請未敢擅便定奪又今後湖查冊例該兼撥膳夫徒夫到彼供役緣法司近來問擬囚徒並無一名到監無從差撥已曾具呈南京禮部轉行取撥而法司回文須要申請方准撥送以此本監只得盡用前項銀兩多顧

卷上

章文懿年譜

哭

退補齋藏板

人役前去供應但恐從此遂廢舊規未便如蒙乞勅該部查議前項膳夫應該納銀若干通行各府遵守庶幾事體歸一仍乞查照祖宗舊例乃今北監事例行南京法司照前問發囚犯送監應役庶使百年成規不至隳廢所有前項膳夫銀兩除顧役外合無給與博士等官各一名及公用或有剩餘合無均給諸生惟復用以脩理公廨或刊補書板亦乞斟酌所宜立爲定制以便遵守而仍將收支數目明立文案隨卷照刷以防奸弊庶幾財無

妄費民免重困此又革弊恤民之一端也

一本監會饌乾魚每年預先會數具呈南京戶部  
行湖廣布政司坐派所屬各該河泊所納辦猪肉  
則每三日一次會數行應天府都稅等司辦納行  
之歲久積弊多端當魚貴時則輸後期而支用多  
缺及魚賤時則一年併至而給散有餘堆積在庫  
一經暑月則臭腐潰爛化爲灰土人不可食不無  
暴殄天物其饌肉每當暑月送納之際亦多臭敗  
退換則補買不便收受則食用不堪彼此皆以爲

卷上

章文懿年譜

兕

退補齋  
藏板

患本年五月內據應天府都稅等司連申自願折  
肉價銅錢行據各班堂友長呈稱若如所申委得  
兩便隨呈南京禮部定奪未蒙施行臣等查得國  
子監通志監生每日每人乾肉二兩而本監案卷  
數十年間止是三日二兩又查得北監有給錢鈔  
事例饌肉亦係折肉如蒙乞勅該部從長計議卽  
今在庫腐魚數多合無從每日二兩之例分給以  
後各該河泊所歲辦乾魚欲乞酌量中價止令折  
納銀兩則民免裝運輸納之費而在官亦免堆積

腐潰之患其饌肉自每年四月初至八月終暑月  
易敗之時合無准其照依時估折納銅錢庶得官  
民兩便此事雖無關於大體亦積弊之不容坐視  
者也

一近該戶部奏准取撥監生往湖查冊緣彼處冬  
月苦寒夜不燈火夏月盛暑又多蚊蚋兼以土地  
卑溼水泉汙濁監生到彼多致疾病而死者以故  
畏難而不肯去往往告求養病及搬取畢嫻依親  
就教職等項以避其差查得先年查冊之時監中

卷上

章文懿年譜

五

退補齋  
藏板

人多嘗撥七百名分作兩班往來替換猶以爲苦  
臣等竊謂好逸惡勞人情之常查冊一事比之其  
他短差又坐班委的勞逸相懸不可不爲之所也  
如蒙乞勅該部計議合無將查冊一月者准算坐  
班兩月使人有所激勸而忘其勞或別區處以增  
添監生如先年之數使得分番更換庶幾公務易  
完而人情樂從此又優恤監生之一事也

十八年乙丑先生年七十歲夏五月疏乞去位不允  
按日記曰先生奏云臣本庸流濫膺簡命位重而

才不充身衰而病相迫昨因具疏陳情乞歸田里  
冒干天聽仰冀矜從不意復蒙恩旨曲賜褒嘉着  
盡心職務以副委任不准放歸臣聞命驚惶拜恩  
踧踖感極涕零罔知攸措固當夙夜匪躬勉竭駑  
鈍以圖報稱豈敢復具辭避但臣自今春以來身  
日益衰病日益甚目昏而困於簽書頭眩而憚於  
動作雖力疾而視事每失前而迷後豈能盡所職  
而副陛下之委任乎此臣之不容不去者一也古  
人爲太學之師者德尊望重而進退作則動言是  
効故人化其德而暴傲革面柔懦有立禮順克彰  
孝弟興行乃爲不負上之委任焉今臣言無足取  
行無可法資淺望輕不模不範無以作新士習造  
就人才蒞任已經三載而成效未有毫分雖使久  
於其職亦恐終於無補又豈能盡職以副陛下之  
委任乎此臣之不容不去者二也今六館生徒有  
年雖老耄猶欲揆歲月以出身者有才雖庸劣亦  
將干利祿以肥己者紛然希進充塞選途寡廉鮮  
恥可賤可惡皆由臣等之爲師者老不知休病猶

卷上

章文懿年譜

五

退補齋藏板

固位昧周任不能之訓忘聖人在得之戒以致其  
然不正其本曷齊其末昔晉之范宣子讓而其下  
皆讓臣既他無所能輒欲以身爲教懇求避位使  
後學皆知無能不可以防賢老病不容於竊祿有  
所視效而興其廉恥庶或有補風教卽臣所以盡  
職而副陛下委任之萬一焉此臣之不容不去者  
三也臣有是三者義所當去而廩祿不去則爲上  
負天子下負所學得罪於名教大矣望察臣衷誠  
俯賜矜憐使得養病林下待盡餘年庶全聖主始  
終之恩成微臣進退之義云云奉旨章懋不准休  
致着用心照舊辦事

卷上

章文懿年譜

五

退補齋藏板

